

KIYUNGULU YA MUNTU

YINA KE BANZAKA



Matondo na nge, Mpangi Mann. Mu me mona ti nge me nata mpangi-bakala mosi. Mfumu sakumuna nge.

Mambu nionso ke salama, kwikila kaka.

Beto sambila.

O Nzambi, ya kieleka yawu yina kele nsatu ya ntima ya beto na nkokila yayi, kaka kukwikila. Mutindu beto me vukana awa na nkokila yayi na tabernacle, na yina mwini ke lalaka na wesete, beto ke sambila, Nzambi ya luzolo, ti Nge ke bika beto kubakula wapi mutindu pene pene ya kele ti mwini ke na kulala mpe na zulu ya ntangu; ya ke na kuluta. Kilumbu me luta mingi. Mpe beto ke bambuka moyo ti kilumbu mosi ntangu kilumbu vwandaka me luta mingi, bizieti zole bondilaka Nge na kukota mpe kubikana na bawu. Mpe kuna Nge kukitalisaka Nge mosi na bawu na kutendulaka Ndinga ya Nge mpe na kubikaka bawu kumona yina Klisto fwana tala mpasi, bima nyonso yayi ntete.

² Na yina beto ke sambila, Nzambi, mutindu kilumbu me kuma na nsuka, ti Nge ke kota na bayinzo ya beto mpe ke zinga na beto, mpe ke tendula na beto Ndinga, Mfumu, ti yina beto me keba mutindu kimvwama me katuka na Nge, mutindu dikabu na kati ya ntima ya beto. Bika ti beto kwenda ata fioti ve na kuluta bandilu ya yawu; bika ti beto zitisa Yawu ntangu nionso na bantima ya beto nionso.

³ Beto ke tonda Nge samu na yina Nge salaka samu na bayina vwandaka na lupitalu na suka yayi, mpe yina Nge salaka samu na mwa mwana ya bakala ya Mpangi Capps yina vwandaka ya kulala, yina kumaka pene-pene na kufwa, mpe ntangu yayi yandi yayi awa na kati ya kivinga yayi na nkokila yayi. Wapi mutindu beto ke tonda Nge, Tata, samu na mambu yayi nionso!

⁴ Pesa, Mfumu, ti beto lendaka zaba wapi mutindu ti beto fwana kembila Nge. Beto kaka . . . Ya kele na zulu ya lubakusu ya beto na kuzaba wapi mutindu ya kupesa Nge lukumu. Kasi, Mfumu, yamba bantima ya beto mutindu bidimbu ya kuvutula matondo, ti beto zola Nge. Mpe ntangu beto—beto zola kusala yina kele mbote, kulakisa beto yinki ya kusala. Beto ke lomba na Nkumbu ya Yesu. Amen.

Beno lenda vwanda.

⁵ Mbote na dibuundu yayi ya nene ya kifuluka na nkokila yayi mpe na bayina ke na kuwa na yinsi na nzila ya allo-allo. Bawu

ke tuba ti bawu kele dyaka ya kukangama na nsinga ya allo-allo na nkokila yayi.

Mu banza ti kento ya munu ke na kuwa. Mu me bokila yandi ve, na yina mu ke bokila yandi na manima ya lukutakanu yayi.

⁶ Mpe beto kele na luzabusu awa ti na suka yayi Mpangi Jackson bro- . . . to tata ya yandi vwandaka na kimbevo ya ngolo, ti nzutu ya yandi vwandaka kubeluka ya kulutila, yandi fwana vutuka na yinzo mbasi.

⁷ Mwa-mwana ya bakala ya Mpangi Capps, yina yandi bokilaka munu na nkokila yina, Mu zaba ve kana Mpangi Capps kele na kati ya nkonga ya bantu to ve, kasi, mpe mwa-mwana ya yandi ya bakala vwandaka kieleka ya kubela.

Mpe ya salamaka ti Joseph mpe munu vwandaka kuna na kisika ya kubula munduki, na kuyidika mwa munduki ya munu ya carabine .22. Mu tubaka na beno nionso samu na yawu sabala me luta. Mpe ya kieleka yandi ke vwanda muntu ya kieleka yina ke kubula munduki. Mpe na yina yandi zolaka kwenda mpe kutuba na Gary mpe Larry yina yandi salaka. Mpe yandi tubaka na munu, na kuvutukaka . . . Mu tubaka, “Nge fwana telema mpe—mpe kutuba na Mpangi Gene Norman na zulu ya yawu.”

Yandi tubaka, “Telema mpe tuba na Billy ntete,” mpangi ya yandi ya bakala.

Na manima yandi lakisaka yandi wapi mutindu kubula munduki ya mbote yandi salaka, yandi tubaka, “Ntangu yayi nge lendaka bika munu swi.” Beno me mona?

⁸ Mpe kaka na ntangu beto kumaka kuna, na yina, alo-allo yimbaka, mpe Billy kimaka mbangu . . . Mu tubaka, “Ya lendaka vwanda mbokola ya kubela ntangu yayi.” Mpe beto kotaka kaka, mpe ya vwandaka Mpangi Capps. Mpe mwa-mwana ya bakala ya ntwenia vwandaka na peritonite, mpe vwandaka kieleka kaka na siansi fioti ya kuzinga. Mpe Mfumu belulaka yandi. Mpe na nkokila yina ba tubaka ti yandi vwandaka ke kuwa mwa bampasi, yawu yina Mama Wood vwandaka tuba na munu. Mpe beto vwandaka kwenda na nswalu, mpe mu kaka . . . Mu tubaka, “Mama Wood, ntangu me luta mingi, ngunga ya kumi, mu ke tula ntembe ti bawu ke kotisa munu kuna na lupitalu.” Mu tubaka, “Mu ke vutuka na yinzo mpe ke kanga kaka kielo.” Mpe mu kwendaka kuna mpe sambilaka. Mpe bawu tubaka ti mwa-mwana ya bakala yayi kele na kati ya kivinga na nkokila yayi. Na yawu beto ke vutula kieleka matondo mingi samu na yawu. Mpe beto ke vutula matondo.

⁹ Ntangu yayi beto ke tatamana na kukangama ngolo; beto me kuwa ntete ve bansangu. Kana Mpangi Leo Mercier mpe Mpangi ya kento Mercier ke na kuwaka, beto me kuzwa nsangu ntete ve kukatuka na tata ya beno. Beto ke na kivuvu na kuwa na mwa ntangu fioti, wapi mutindu yandi ke na kusala. Kasi mu

ke kwikila ti yandi ke vwanda mbote mingi, na yina beto ke tula kivuvu na yawu na Nzambi ya Ngolo nionso, ti Nzambi ke keba muntu yina ya luzolo, kiboba ya bakala mosi ya santu, longi ya kiboba ya veteran ya Nsangu ya mbote.

¹⁰ Ntangu yayi, oh, ya kele na bima mingi yina kele na nsatu ya kusala, mpe ntangu mosi ya nkufi na kusala yawu, na yawu beno tula kaka bangolo ya beto nyonso ntangu yayi na yina beto lenda sala samu na Mfumu ya beto.

¹¹ Mu me kuma mwa fyoti na ntangu ya mbote. Mpe mu—mu vwandaka kuwa mbote mingi ve. Mu lembaka, ya lembaka mingi, mpe mu lalaka na manima ya midi yayi. Ata fioti ve. . . Mu me kudiaka ntete ve madia ya midi. Na yina mu—mu kotaka, mu bikanaka kaka ya kutandama na manima ya midi ya muvimba. Mu vwandaka kuwa mbote ve, na yina mu lalaka kuna. Mpe na manima mu bandaka na kusambila, mpe mu kumaka mbote mingi. Mpe mu telamaka, mu lwataka bilele ya munu, mpe mu kwendaka na yinzo-Nzambi.

¹² Na yina beto—beto ke tula kivuvu na Mfumu Yesu ntangu yayi ti Yandi ke sakumuna bangolo ya beto kintwadi na nkokila yayi, na ndambu na ndambu yankaka ya yinsi beto ke meka na kukangama na kitini yayi ya Nzutu ya Klisto, ti ba me pesa munu muswa ya kudisa mameme ya Yandi. Mpe ya me lutila mbote na luzabu ya munu, na kupesaka Madia ya mbote yina mu zaba samu na mameme.

Mpe mu ke na kuingila na ntima kidi-kidi ngunga yina beto ke vukana kintwadi na kisika mosi mpe kulonga na zulu ya Bampasi Sambwadi yina, mpe Bambungu Sambwadi, mpe Bampungu, mpe nionso yina. Nionso yina ke salama kaka na cluster. Ya kele samu na yina ya ke lomba beto pene ya sabala mosi, bilumbu kumi to kulutila, samu na kuzonzila yawu na ndandani ya lukutakanu mosi ya kulunga, kana beto lenda. Beno banza ti ya kele kieleka yina kele ya kulunga.

¹³ Ntangu yayi, mingi na kati ya beno ke na kuzyetaka. Mu ke tala awa, mpe mu me bakula kaka, ntama mingi ve, bampangi ya munu na Tucson. Mama Sothmann, mu ke mona Mpangi Fred me kuma mbote. Mu me mona yandi na kati ya kivinga na suka yayi. Mpe kuna mu banza ti ya kele Mpangi Don Ruddell ya kuvwanda kuna pene-pene ya yandi na manima kuna, na nkokila yayi. Kiese na kumona Mpangi Donon. Mpe Junior, kele Junior awa, to yandi kele na yinzo-Nzambi ya yandi? Mu banza ti ba kele na nzila ya allo-allo na yinzo-Nzambi na nkokila yayi.

Na yawu, beno nyonso bampangi, beto kele na kyese mingi ti beno kele awa na beto na nkokila yayi, mpe ke tula kivuvu na Mfumu ti kilumbu beto, ntangu kilumbu ya luzingu me mana mpe mwa nsemo ya beto ya luzingu yina ke kufwa ke banda na kukula mpe kubasika, beto ke vwanda na boma ya dyabulu ve, nzila nyonso. . .

14 Mu me kuzwa kaka kimbangi ya nge, kuna na—kuna na . . . na Arizona, kuna na Prescott. Mpangi Coggs me basika na lupitalu. Na yawu beto ke vutula matondo mingi samu na yawu. Mbote. Ya kele mbote. Na yina beto ke vutula matondo mingi samu na yawu. Mpangi-kento Mercier, papa ya nge me kuma mbote ntangu yayi. Mu kuwaka kaka, na manima beto sambilaka, ti yandi ke vwanda mbote mingi. Na yina ba lendaka vwanda ke kuwa kuna; mu banza ti ya kele mutindu yina; mpe mu banza ti ya kele mutindu yina. Na yina beto ke vutula matondo mingi samu na yawu, ti mpangi ya beto ya bakala kele—kele mbote ntangu yayi, mpe ke vwanda mbote mingi. Na yawu beto ke tonda Mfumumu samu na bima nyonso yayi.

15 Yandi vwandaka na lombilu ya mazono na nkokila; mpangi ya bakala ya luzolo awa, mu banza ti yandi lenda vwanda ve na beto bubu yayi. Mpangi-bakala mosi me katuka kuna na Kentucky, yina bokilaka munu samu na mwana ya yandi ya kento. Dibuta ya kitoko, mpe ba ke pasula mwana-kento yayi, mama ya ntwenia na kimbevo ya cancer kuna na mukongo. Na yina beto—beto ke sambila ti Nzambi ke vulusa ntwenia yayi ya kento. Mu ke kwikila ti Yandi ke sala yawu, kana beto ke kaka . . .

Dibuundu, beto nionso kintwadi, beto vukana mpe beto sambila samu na bantu yayi, beto nionso kintwadi. Ya kele yina beto fwana sala, mutindu kima mosi. Mutindu . . .

16 Mpe na yina bilumbu ke na kukuma pene-pene mingi, mpe nzila na kufyotukaka mingi, beto—beto zola kutambula kintwadi. Oh, beto fwana vwanda kaka mosi, nzutu mosi. Beto fwana vukana kintwadi, na kuzimbanaka masumu mosi na yankaka mpe baluswaswanu ya beto, mpe na kukangaka kintwadi binkoso ngolo mingi mpe ngolo mingi, na yina beto ke mona Kilumbu yina ke na kubelama. Kuvukana beto mosi kintwadi, na ngwisani mosi mpe na ntima mosi. Mpe kana mpangi-bakala mosi, mpangi-kento kubasika na nzila, na mutindu nionso, beno sala kima mosi ve kasi beno sambila samu na muntu yina, mpe na kati ya zola, ntangu nyonso na kukebaka mosi na yankaka. Beno bika ve—beno bika ata mbala mosi ve mosi ya beno kukwenda. Beno bikana kintwadi. Mpe, kana beno lenda, kubwela mingi na yawu, ntangu nyonso, ntangu nyonso.

17 Mpangi Neville, mu kele na lombilu ya nge awa samu na Mpangi Wright, Mpangi George Wright yina kele ya kuvwanda awa. Beto kele na kyese na Mpangi Wright mpe Mpangi ya kento Wright, awa . . . Edith Ya ntwenya, mu . . . Kilumbu mosi ntangu beto ke kwisa, beto zola vwanda na lukutakanu ya kubambuka moyo awa.

Mu vutukaka ve samu na Edith mpe ntangu yandi kwendaka. Kasi, Mpangi-kento Wright, nge ke bambuka moyo na ndosi yina yandi vwandaka na yawu pene ya bamvula zole me luta. Mpe mu

tubaka na beno kuna, mu tubaka, “Ya kele, Edith ya ntwenya ke vwanda ve na beto ntangu mingi ntangu yayi,” samu ti Mfumu tubaka yimeni ti yandi vwandaka kwenda, na nzila ya ndosi yina yandi kuzwaka. Mpe mu kuzwaka ntendulu ya yawu, ya vwandaka, ti yandi zolaka kutana na Nzambi. Pene ya bamvula zole na ntwala, yandi kwendaka kutana na Nzambi. Ntangu yayi na kuingilaka papa ya yandi mpe mama ya yandi na kulunsi ndilu yina ke kabula, kati-kati ya yina ke kufwaka mpe yina ke kufwaka ve.

¹⁸ Nzambi sakumuna beno. Mu zola meka na kumona beno na nswalu nionso, kana mu lenda sala yawu. Na yawu Nzambi vwanda na beno mpe Shelby, mpe muntu nyonso. Mu banzaka ti mu me mona Shelby na suka yayi; mu vwandaka ndima ve.

Beno lenda ve kumona mbote mingi awa; plafond kele na yisi mutindu yayi, mpe ya ke monisa nsemo mutindu yina. Beno lenda mona matona, kasi beno lenda ve kumona bantu mbote mingi.

¹⁹ Ntangu yayi beto kukuma kaka mbala mosi na Nsangu. Yayi kele Nsangu mu zola kutanga na Nombres 19:9 mpe Éphésiens 5:26. Mpe kana beno bantu yina ke bakaka noti ya masonuku, mpe nyonso yina, mbote, beno lendaka sonika yawu.

²⁰ Mpe ntangu yayi beno bambuka moyo, kana yayi ke na kubakama na bande. . . Mu zaba ve. Mu lenda ve kumona muntu mosi. Yinga, mu ke salaka yawu, mu ke monaka Mpangi Terry kuna na—na kivinga yina ba ke kubakaka bande. Mpe kana yayi ke na kubakama na bande; na milongi nyonso na kisika mosi, na ntangu nyonso, yayi kele ve samu na kukondwa luzitu na malongi ya beno, yayi me pesama ata fyoti ve na mameme ya beno. Nsangu yayi, mpe Bansangu nyonso yankaka yina mu me zonzila, me pesama na dibuundu ya munu. Ya kele ve samu na dibuundu ya beno kana ti bawu zola kuzwa Yawu. Kasi Yawu me pesama na bantu yayi awa.

²¹ Bantu ke sumbaka ba-bande yayi. Bantu na yinza ya muvimba ke sumbaka yawu mpe ke bula yawu. Bambala mingi ba ke sonikaka yawu. Mpe mu ke talaka ntangu nyonso na bawu, kana bawu kele mamele ya dibuundu mosi, “Beno me mona pasteur ya beno.”

²² Ntangu yayi, pasteur, mu zola ti beno zaba yawu, ti, yayi kele kaka samu na dibuundu ya munu ti mu zonza bima yayi. Mpe mu kele na muswa ya kusala yawu, samu ti mu vwandaka ya kuvwanda na nzila ya Mpeve-Santu samu na kukeba mameme yayi. Mpe kyadi na munu kana mu tuba na bawu ve yina mu banza kele Kieleka, mpe mutindu mu banza ti Yawu ke kwiza. Kasi Ya kele ve samu na yinza to bayankaka ya mabuundu. Beno ke sala nyonso yina Nzambi ke tuba na beno na kusala. Mu lenda pesa beno mvutu ve, to dyaka beno lenda pesa mvutu samu na munu. Kasi beto fwana mosi na mosi kupesa mvutu na ntwala

ya Nzambi, samu na ministele ya beto. Na yina, kana mu fwana pesa mvutu samu na ministere ya munu, mu fwana longa Yawu na mutindu mu ke mona Yawu, na mutindu Yawu me monisama na munu. Na yawu ti ya zabana ntangu yayi.

²³ Ntangu yayi na Nombres 19:9, beto zola kutanga dilongi yayi, to Masonuku yayi, mu zola tuba.

Mpe muntu yina kele ya kuvedila ke lokota mbombi ya ngombe ya ntwenya, mpe ke tulula yawu na ngaanda ya camp na kisika ya kukondwa mvindu, mpe ba ke keba yawu samu na dibuundu. . . (beno tala mbote ntangu yayi) samu na dibuundu ya bana ya Israël samu na maza ya nkabwani: ya kele mvedoso samu na disumu.

²⁴ Beno tala, ve samu na muntu nyonso, “samu na kimvuka ya bana ya Israël; bamaza ya nkabwani.”

Ntangu yayi na Éphésiens, kapu ya 5, mpe kubanda na nzila ya 22.

Bakento, beno tumama na babakala ya beno, mutindu na Mfumu.

Samu ti bakala kele yintu ya kento, mutindu Klisto kele yintu ya dibuundu: mpe yandi kele mvulusi ya nzutu.

Na yina mutindu dibuundu kele ya kutumama na Klisto, na yawu ti bakento kuvwanda mutindu yina na babakala ya bawu na kima nyonso.

Babakala, beno zola bakento ya beno, mutindu Klisto mpe zolaka dibuundu, mpe kukipesaka yandi mosi samu na yawu;

Ntangu yayi beno tala yina mu zola kutuba ntangu yayi.

Ti yandi lendaka santisa mpe kuvedisa yawu na kusukula ya masa na nzila ya ndinga,

²⁵ Ntangu yayi, mwa dilongi yayi na nkokila yayi, kana mu lendaka bokila yawu dilongi. Mpe mu ke na kivuvu ti bantu yayi awa, mpe ba ke na kulanda na bansinga ya allo-allo, ke baka ve yayi na ndambu ya yimbi mpe ke banza ti ya zola kutuba na mutindu ya kuvweza. Ata ti, kubaka dilongi ya mutindu yayi, ya ke wakana kuvweza. Dilongi yina mu ke sadila na nkokila yayi kele: *Kiyungulu ya Muntu Yina Ke Banzaka*. Yina kieleka ke wakana ngolo mingi samu na dilongi, samu na mulongi yina ke wisanaka ve na kunwa makaya, lendaka baka dilongi ya mutindu yayi, *Kiyungulu Ya Muntu Yina Ke Banzaka*. Ya salamaka, ti, na suka yina ntangu mu kwendaka zomba bampadi.

²⁶ Kana beno bantu yina kele kuna na—yina ke kuwa na radio, na mipepe, to na nzila ya allo-allo, lendaka mona nzonzolo ya kizizi ya dibuundu yayi ntangu mu vwandaka zabisa dilongi ya

munu, beno zolaka seka yawu. *Kiyungulu Ya Muntu Yina Ke Banzaka.*

²⁷ Mbote, yawu nyonso salamaka kisika Bawanzio ya Mfumu monikaka na munu suka mosi, mpe bampadi yina basikaka na luzingu. Beno nionso ke bambuka moyo ntangu ya salamaka. Mpe, mpe, kaka na zulu ya mongo kisika mu vwandaka ya kutelama, vwandaka kisika . . . kaka ntete kulonga Bansungi Sambwadi ya Dibuundu, na kukwendaka na kuzomba suka mosi ntete kubasika ya mwini. Kuna telamaka . . . Mu banzaka ti mwini vwandaka basika, pene ya ngunga yiya na suka. Ya mumesanu ve; mu monaka Nsemo yina, mpe mu balukaka, mpe kuna telamaka Minda Sambwadi ya Wolo ya kutelama na zulu ya mongo, na mutindu mukyama vwandaka mata na kati ya binatinu mpe yina vwandaka panzana kuna.

²⁸ Na mbala mosi na manima ya yina, Mfumu Yesu monikaka na beto. Mpe kaka kuna mu kuwaka Ndinga yina tubaka, “Yehowa ya Ngwisani ya Ntama kele Yesu ya Malu-malu.” Mpe kuna Yandi vwandaka, na manima ya mwa ntangu fyoti, me monisama na manima ya Minda Sambwadi ya Wolo yina. Na yina beno tala yawu. Bantu yikwa ke bambuka moyo na dilongi yina? Mu sonikaka yawu na mukongo ya—ya bwati ya—ya cartouche yina vwandaka na posi ya munu. “Yehowa ya Ngwisani ya Ntama kele Yesu ya Malu-malu.” Nzambi na Mazulu zaba ti ya vwandaka kieleka.

²⁹ Ntangu mu sabukaka kisika yina Yandi monikaka na munu na mwa ntangu fioti na ntwala, samu na bampadi.

³⁰ Na yina ntangu mu bokilaka nkundi ya munu ya mbote, Jack Moore, mwa bangonda fioti na ntwala, samu na kulomba; ntangu mu bandaka na kulonga Bansungi Sambwadi ya Dibuundu, Apocalypse 1. Mpe Yandi vwandaka ya kutelama, mpembe bisika nyonso; nsuki ya Yandi vwandaka mutindu mika. Wapi mutindu Yandi lendaka, na kuvwandaka dyaka na bamvula makumi tatu na tatu, mpe kuvwanda mpembe bisika nyonso? Mpe Mpangi Moore, muntu mosi ya mbote mingi, ya kulonguka, Muklisto ya bakala, mpe kizabi, mosi ya kulutila mbote yina mu zaba; mpe yandi tubaka, “Mpangi Branham, yina vwandaka Yesu na manima ya mutindu ya Yandi ya nkembo. Ya kele mutindu Yandi ke talana ntangu yayi.” Kasi yina bulaka ve ngunga mosi na munu. Mpe mu landilaka kaka na kusambila tii kilumbu mosi . . .

³¹ Ntete mu banda Bansungi Sambwadi ya Dibuundu, mu lendaka ve na kubaka kapu yango ya 1te kusungama kieleka. Wapi mutindu Muntu, ya bamvula makumi tatu na tatu, yina vumbukaka na lufwa na nzutu mosi yina bantumwa ndimaka Yandi, zabaka ti Yandi ke vwanda; mpe wapi mutindu Yandi lendaka vwanda kuna, mu banza na bamvula makumi nana to makumi yivwa, na mika ya nene ya mpembe na zulu ya kizizi

ya Yandi, mpe mandefo ya Yandi ya mpembe mutindu mvula ya mpembe?

³² Mu tangaka kuna na Buku ya . . . ya Daniel, kisika yandi kwizaka na “Kuluntu ya Bilumbu, Yina nsuki vwandaka mpembe mutindu mika.” Kuna mu monaka Kuluntu ya Bilumbu yina. Yandi vwandaka Kuluntu yina ya Bilumbu, mutindu mosi mazono, bubu yayi, mpe kukonda nsuka. Beno me mona, ya vwandaka kidimbu, kuna.

Samu na yinki mika ya mpembe? Mpe na manima mu . . . Mpeve-Santu zolaka kutuba na munu samu na yina me tadila foto ya kufikula mosi mu talisaka kilumbu mosi, ya zuzi ya ntama. Na manima mu kwendaka na disolo; mu vutukaka na disolo ya Biblia mpe nyonso, samu na kumona. Mpe bazuzi ya ntama, mutindu nganga-Nzambi ya ntete na Israel, yandi lendaka kuzwa nsuki yina ya mpembe, na mandefo mutindu mika bansuki ya mpembe mpe mandefo, samu ti mpembe na zulu ya yandi zolaka tuba ti yandi vwandaka na kiyeka ya nene ya bazuzi na kati ya Israel.

Mpe ata mpe bubu yayi, mpe kuna na mwa bamvula nkama me luta, ya lendaka vwanda mwa bamvula nkama mosi me luta, to ya lendaka vwanda ve mutindu yina, na manima kulutila yina. Bazuzi nyonso ya Kingelesi, ata mutindu ntwenya ya bawu vwandaka to mutindu ya ntama bawu vwandaka, ntangu bawu kotaka samu na lufundusu, bawu vwandaka lwata pelike ya mpembe; mpe samu na kulakisa ti ya kele ve na kiyeka yankaka, na kimfumu yina, na zulu ya ndinga ya bawu. Ndinga ya bawu kele dikunzi ya kimfumu. Yina bawu ke tuba, ya kele nyonso samu na yawu.

³³ Mpe ntangu yayi, kuna, mu monaka yawu. Na yina Yandi vwandaka ya kutelama kuna, dyaka Bakala ya ntwenya, yina lwataka pelike ya mpembe. Yandi vwandaka Kiyeka ya muvimba, ya nene. Yandi vwandaka Ndinga. Mpe Yandi vwandaka, me lwata pelike ya mpembe.

³⁴ Na yina, na manima ntangu beto manisaka, mpe dilongi, mpe kwendaka na wesete, mpe ntangu Bawanzio ya Mfumu monikaka kuna samu na Bidimbu Sambwadi, mpe yawu mataka na mupepe (yina beto kele na foto ya yawu awa, mpe bisika nyonso na yinsi), kuna Yandi vwandaka ya kutelama kuna, vwanda pelike na kimfumu yina ya nene. Yandi kele Yintu ya Dibuundu. Yandi kele Yintu ya Nzutu. Ya kele ve na kima mutindu Yandi, kisika nyonso. “Yandi salaka bima nyonso na nzila ya Yandi mosi. Yandi salaka bima nyonso samu na Yandi mosi, mpe kukondwa Yandi ya vwandaka ve na kima mosi ya kusala.” “Yandi kele na lutumu nyonso na Mazulu mpe na ntoto,” mpe nyonso kele ya Yandi. “Mpe na kati ya Yandi ke zinga muvimba ya Bunzambi na nzutu.” “Mpe Ndinga vwandaka Nzambi, mpe me kuma nsuni na kati-kati ya beto.” Mpe Yandi

vwandaka Yandi Yina monisaka kinsweki nyonso ya manaka ya mpulusu, yina baprofete nionso mpe bantu ya ndwenga zonzilaka. Yandi mpe Yandi kaka vwandaka na peke ya mpembe mpe Kiyeka ya nene.

³⁵ Ntangu yayi, mu telemaka, kuna na zulu ya mongo na suka yina, ya talanaka ti ya vwandaka na bampadi yina vwandaka lutilaka kuna. Mpe mu bandaka na kuvwanda. Mpe mu vwandaka kuna na mwa ntangu fioti, na ntangu, matiti ninganaka pene-pene ya munu, mpe bakala mosi ya nene na munduki ya nene ya ba-canon zole basikaka na kati ya matiti kuna, mpe pesaka munu boma ya nene. Mu niekaka, na nswalu nionso; mu vwandaka na boma samu na kuningana, mu vwandaka na boma ti yandi ke bula munu munduki. Mpe matiti vwandaka ningana, na yina mu vwandaka kaka swi.

³⁶ Mpadi mosi bandaka na kumata na na zulu ya mongo, mpe yandi kubulaka nyonso ya munduki na zulu ya yandi ba-canon nyonso zole. Mpe na yawu yandi kondwaka yandi, mpe na yawu mpadi kulumukaka na yisi ya mongo. Mu banzaka, “Ntangu yayi mu ke kwenda ntama; na ntangu makelele nyonso yina ke na kubasikaka. Yandi kele na munduki ya yandi kele na disasi ve.”

Mpe mu bandaka na kukulumuka na yisi ya mongo, mpe mwana ya bakala mosi kubulaka na ntuala ya munu. Yawu vutulaka munu na nzila *yayi*. Mpe mu bandaka na kukwenda, samu na kukulumuka na lweka yankaka, mpe ba bulaka masasi ya carabine .22, mpe masasi vwandaka bula na zulu ya munu. Mu tubaka, “Tala, mu kele na kisika mosi ya boma.”

³⁷ Na yawu mu balukaka mpe kulumukaka na lweka ya nzadi. Mpe mu banzaka, “Mu ke kulumuka kuna mpe ke bumbama tii kuna bawu ke basika, na yina mu lenda basika.” Mpe ntangu mu vwandaka kulumuka, ya salamaka ti mu bendaka bukebi. . . . Bukebi ya munu salaka ti mu tala kima mosi na lweka ya munu ya kibakala. Mpe, mutindu mu salaka, ya vwandaka na pake ya tabaka mosi ya mpamba kisika mosi ya bawu losaka, na ntangu ya kukima mbangu ya . . . ntangu bampadi vwandaka luta na kati ya matiti.

³⁸ Mpe mu lokotaka pake yayi ya tabaka mosi, mpe mu vwandaka tala. . . . Mu lokotaka yawu ata fioti ve; mu ke lomba beno pardo. Mu talaka yawu. Mu bakaka yawu ve, samu ti mu ke zolaka ve nsunga ya bima, na kubanda. Mpe mu talaka kuna, mpe ya kele kompani mosi ya kompani ya tabaka yina mu banza ti mu zolaka bokila ve nkumbu ya bawu, kasi beno ke zaba. Ya me tuba kuna, “Kiyungulu ya muntu yina ke banzaka mpe ntomo ya muntu yina ke kunwa makaya.”

Mu talaka kima yina, mpe mu banzaka, “Kiyungulu ya muntu yina ke banzaka?” Mu banzaka, “Kana muntu yayi lungaka kubanza na nyonso yina, yandi lendaka kunwa tabaka ata fioti ve. Wapi mutindu ya lendaka vwanda ‘kiyungulu ya

muntu yina ke banzaka'? Muntu yina ke banzaka ke kunwa makaya ata fioti ve." Mbote mingi.

³⁹ Ntangu yayi, mu banzaka, "Wapi mutindu ya ke na kuvuna!" Ntangu yayi, bakompani ya tabaka yina fwana vwanda ya Amerika. Mpe oh, kana beto zinga na ngwisani na misiku ya beto, beto ke sala samu na kusadisa mosi na yankaka, kana beto ke kuzwa nsatu ya kyadi ya mosi na yankaka. Mpe wapi mutindu ya luvunu yayi! Ya kele samu na yina mu me bokilaka ata fioti ve nkumbu ya bampangi ya kompani yina, mu me kuzwa mwa bamambu ya yimbi ya kutuba na zulu ya bawu. Mpe wapi mutindu luvunu muntu nyonso lenda vwanda, samu na kusala mbongo?

⁴⁰ Muntu yina ke banzaka ke kunwa makaya ata fioti ve. Kasi wapi mutindu bantu ya Amerique ke kubwa samu na yawu; bawu ke banza ti ya kele mbote mingi!

⁴¹ Ntangu yayi beno tala, beno lenda ve, beno lenda ve. . . Beno yufula muntu nyonso, bantu ya science, beno ke. . . Beno lenda ve kuzwa mulinga kukondwa kuzwa goudron. Kana ya kele na mwa kitini mosi ya mulinga yina ke luta, yina kele goudron. Mpe kana beno me kuzwa ve mulinga, mbote, beno ke kuzwa ve goudron, mpe beno ke kuzwa kima mosi ve. Beno ke kufiba kaka mwa nsongi ya yinti yina ya ngolo. Kasi ntangu nyonso yina beno ke kuzwa mulinga na nyonso, beno ke na kumina cancer, nicotine.

⁴² Kana beno vwandaka na munu mvula me luta, to mvula mosi na ntuala ya mvula me luta, mu banza ti ya vwandaka, na Kutalisa ya Yinza, ntangu Yul Brynner mpe bawu nionso vwandaka kuna na kusala ba-demonstration, mpe beno ke mona bawu kubaka tabaka yina, beno tula yawu na kati ya kima mosi, mpe beno ke kumina yawu beno ke vutula na kitini ya marbre. Mpe dokotolo na coton-tige, yandi vwandaka lutisa yawu kuna mpe vwandaka kuzwa nicotine kuna, yandi vwandaka baka nicotine mpe vwandaka lutisa yawu na zulu ya mukongo ya mpuku ya mpembe, mpe vwandaka tula yawu na kati ya cage. Mpe na bilumbu sambwadi ya vwandaka basisa yawu kuna. Mpe bampuku vwandaka ya kufuluka mingi na cancer ti yandi lendaka ve kutambula, samu na nicotine ya tabaka mosi.

⁴³ Na yina yandi tubaka, "Beno zaba, ba ke tubaka ti beno lenda kuzwa yawu na nzila ya kiyungulu." Yandi tubaka, "Beno lendaka vwanda ve na kiyungulu. . . Kiyungulu nionso yina lendaka katula nicotine, lendaka katula mbala mosi mulinga," yandi tubaka, "samu nge fwana kuzwa mulinga. . . nge fwana kuzwa goudron ke kubasisa mulinga, mpe ya kele goudron yina ke pesaka cancer."

⁴⁴ Mpe na manima yandi kwendaka, yandi lutisaka yawu na masa, mpe yandi tubaka, "Bantangu yankaka nge ke banza ti nge lendaka lutisa na kiyungulu na nzila yina." Yandi tubaka, "Ntangu nyonso, ti, ata kisika nionso yina beno ke mina yawu."

Yandi tubaka, “Bawu ke tuba, ‘Mu ke nukuta yawu ve,’ na manima ba ke tula yawu na yinwa ya bawu mpe ke basisa yawu na yinwa ya bawu.” Na manima yandi bakaka yawu mpe yandi balulaka yawu, mpe yandi tulaka yawu na yisi ya kima mosi kuna, mpe yandi talisaka ti ya vwandaka kaka cancer. Yinki beno ke na kusala? Beno ke na kuminaka yawu kaka ya ke kulumuka na laka ya beno. Beno me mona? Mpe ya lenda vwanda yina nyonso yina beno ke sala, ya kele kaka lufwa. Beno me mona?

⁴⁵ Mpe kuna kubanza ti kompani ke vuna muntu ya kulunga, to ke meka na kuvuna bantu ya bawu mosi. Ya kele mutindu ngoy-ngoy yina ke zingaka na nzila ya bima ya yandi, yina kele mutindu yandi. Kima yina ke pesaka mbongo, na kutekisaka lufwa na yinsi, mpe na bantwenia ya babakala. Mpe ke basika kuna na ndilu ya bitumba mpe ke kufwa samu na bawu, na manima ba ke baluka mpe ke teka na bawu kima ya mutindu yina, na kusalaka na yisi ya luvunu ti, “Kiyungulu ya muntu yina ke banzaka, kasi na kubasisaka ntomo ya bakala ke na kunwa tabaka.” Beno fwana kuzwa mulinga samu na kuzwa ntomo. “Ntomo ya kunwa tabaka.”

⁴⁶ Wapi mutindu bantu ke kubwa samu na yawu, ata ti! Ba ke bakula yawu. Ntangu yayi, ya kele kaka samu na kuvuna beno ya kulutila. Beno me mona, ya kele ya dyabulu. Ba ke kipe ve luzingu ya beno. Ba kele ve na nsatu ya beno. Bawu ke tekisa beno kima yina kaka samu na kutala beno kufwa, ntangu nyonso yina bawu ke kuzwa mbongo.

⁴⁷ Mutindu politiki mpe mvita. Mu ke kwikilaka ve na mvita. Mu ke kwikilaka ata fyoti ve ti beto nionso lendaka kuzwa mvita.

Mu ke kwikilaka na Kimfumu ya nene yina Nzambi ke vwandisa, civilisation ya nene yina ba ke nata na yisi ya luyalu ya Yandi Mosi ya nene; ya ke vwanda ata fioti ve na mvita yankaka. Yinsi ke talisa ve dikonga na kutelemina ba yinsi. Bawu nionso ke vwanda swi, ngemba ya Seko.

⁴⁸ Na yina mutindu yayi ya civilisation ke nata mvita. Mpe kulutila beto ke kuma sivilizé, na yisi ya yayi, kulutila mingi beto ke kuzwa ba mvita. Mosi vwandaka meka na kuvwanda sivilizé ya kulutila yankaka, mpe yina kele ya kulutila sivilizé ke sala ba mvita ya kulutila. Beno me mona?

⁴⁹ Mpe beno tala yina, na yisi ya civilisation yayi, ti muntu mosi ke kuzwa muswa ya kubasisa kima ya mutindu yina. Mpe kima kaka mosi yawu ke sala, ya ke vuna kaka beno na kusala ti beno kusumba ba tabaka mingi. Samu ti kana bakala kunwa tabaka. . . Mpe mu ke kwikila ti ya kele ya dyabulu, mpe ti ya kele na mpeve ya yimbi ya nicotine kati ya bakala mosi mpe, to na kati ya kento mosi. Mpe kana tabaka mosi ke sepelisa mpeve ya yimbi yina ya nicotine tii kuna yandi ke bika beno swi mpe ke bika na kukwamisaka beno, tabaka mosi. Mpe na yina beno

baka kiyungulu mosi, yina ke lutisa kaka mulinga mosi na zulu ya tatu kuna, to mosi na zulu ya tatu ya nicotine kuna, na yina ya ke lombaba tabaka tatu samu na kubaka kisika ya yawu, mpe beno ke kunwa tabaka tatu na mosi.

⁵⁰ Beno me mona, ya kele kaka ngwisani ya yimbi, luvunu, ngwisani ya yimbi samu na kuteka tabaka. Bawu lendaka kuteka mingi mutindu yina kulutila ba lendaka kusala yawu na kubikaka bakala mosi kunwa tabaka yandi mosi na pipe ya yandi to na dikaya ya yandi. Ntangu yayi, beno me mona, ya kele ya dyabulu.

⁵¹ Mutindu mu telamaka kuna vwandaka tala yawu, mpe vwandaka banza wapi mutindu luvunu ya vwandaka, kyuvu kwizaka na munu. Mpe mu kondikaka yintu, mu talaka diaka pake yango, mpe mu . . . ya monanaka kaka mutindu kima mosi tubaka na munu, “Kasi slogan kele mbote mingi, ‘kiyungulu ya muntu yina ke banzaka, ntomo ya muntu yina ke kunwa makaya.” Ya me kwiza na munu ti luvunu yina, mpe, na kati ya yinza kuna na kati ya tabaka, kele kima na zulu ya ntumunu ya mabuundu ya bubu yayi, beno me mona, luvunu.

⁵² Ya me kwiza tii yinza ya muvimba me kuma luvunu ya nene ya yina kele na bukieleka kieleka mpe yina kele mbote. Beno me mona, ata mpe na kati ya politiki, mpe na mambu ya nsalasani ya bantu, na lukolo, na nyonso, ya ke kuma luvunu.

⁵³ Ntwenya ya bakala mosi vwandaka tuba na munu kilumbu yina ti yandi vwandaka kuna na camp ya basoda, mpe tank mosi dyataka ntwenya ya soda mosi; mazafu ya yandi, stomach ya yandi, to nionso tobokaka. Mpe bawu kwendaka na lupitalu; bawu vwandaka na badokotolo tatu to yiya ya kutelama kuna na mulonga, mpe muntu nyonso vwandaka ya kutelama na mulonga. Mpe basoda zole to tatu vwandaka simba nkundi ya bawu, mpe yandi vwandaka pema kaka na mpasi . . . Ntangu nionso yandi vwandaka pema, mpanzi ya yandi vwandaka dyama na mazafu ya yandi, mpe yina vwandaka sala yandi hémorragie ya kati. Mpe bawu bikaka ntwenya ya bakala yina kutelama kuna na mulonga yina, kuna na manima ya mulonga, mpe ke bika bawu, mwa bantu yina kele na kima ve kasi mpasi ya dikutu to kima mosi, kukwenda na ntwala.

⁵⁴ Mpe na ntangu yandi telamaka kuna, colonel mosi kwisaka na mwana mosi yina vwandaka na kuvimba ya mpusu, mwa mwana ya yandi ya bakala to mwana ya kento vwandaka na kuvimba ya mpusu na diboko ya yandi. Mpe ba telemisaka ndonga, samu na kulutisa mwana ya colonel, mpe mwana-bakala yina vwandaka na misopo ya kutoboka, vwandaka kufwa. Yawu yina.

⁵⁵ Oh, kana colonel yina lendaka vwanda na kyadi ya kieleka samu na mpangi ya yandi ya bakala kuna na mulonga, yandi

zolaka tuba, “Mwana yayi lenda vingila. Beno nata bakala yina awa na nswalu nionso, beno sala kima mosi samu na yandi!”

⁵⁶ Kasi muntu nyonso zola kulakisa lutumu ya yandi. Ntangu yayi, bawu nyonso keke ve mutindu yina; ve, bawu nyonso keke ve mutindu yina. Kasi ya keke na mingi mutindu yina. Ya keke na mingi ya bawu yina keke mutindu yina. Kasi bakala yayi, kima mosi kaka yandi vwandaka banza, vwandaka mwa mwana ya yandi mosi ya bakala yina vwandaka na kukondwa kuyindula na diboko ya yandi, mpe yandi vwandaka banza ve na mputu ya mwana-bakala yina ya ntwenya ba diataka na tank, tank yina mpe mu banza mwana-bakala yina zolaka vulusa luzingu ya yandi kilumbu mosi na kilanga ya mvita. Beno me mona, bawu ke telemaka ve samu na kubanza; kaka samu na bawu mosi.

“Kiyungulu ya muntu yina ke banzaka.”

⁵⁷ Mu talaka yawu, mpe mu banzaka, “Ya keke kima mutindu ba-denomination ya bubu yayi, mabuundu yina beto me kuzwa.” Mosi na mosi ya bawu keke na kiyungulu ya bawu mosi; bawu keke na mutindu ya bawu mosi ya kiyungulu. Bawu ke bikakaka yina kukota kuna bawu zola, mpe yina ke kota kuna ve; yina ba ke yungula na kati mpe ba ke yungula na ngaanda, na kiyungulu ya mutindu ya bawu mosi. Bawu ke bika kaka mingi ya yinza kukota samu na kusepelisa bantu ya kukondwa lukwikilu yina keke kuna na kati. Bawu ke baka bawu ata nyonso yina bawu keke, kana bawu keke na mbongo. Bawu ke baka bawu ata nyonso yina bawu keke, kana bawu keke ya kuzabana mingi.

Kasi ya keke na kima mosi samu na yawu, beno lenda kota ve na kati ya Dibuundu ya Nzambi mutindu yina; denomination ve ntangu yayi, mu zola tuba Dibuundu ya kieleka, ya kieleka ya Nzambi.

⁵⁸ Mutindu bakompani ya tabaka ya bubu yayi, bantu yina ke kwizaka na mabuundu yayi yina ba ke tubaka to ba-dénomination, bawu ke na ntomo, mpe ntomo yina keke kalasi ya yinza. Mpe konso denomination keke na kiyungulu ya bawu mosi, mpe bawu ke kiyungulu yina ke basisa Baklisto ya kieleka yina ke tuba “amen” ntangu yandi vwandaka longa; mpe ba ke kotisa ba-Jézabel nionso ya yinsi, na bansuki ya kuzenga mpe na kizizi ya kupakula, na ntangu bawu me zabana mingi. “*Kingandi* ke kwizaka na ya beto. . . muntu ya cinema, muntu ya nene.” Ya keke mutindu ya kiyungulu yina bawu ke sadilaka. “Denomination ya beto. *Kingandi*, mfumu ya yinsi, to—to colonel, to muntu mosi keke mambele ya denomination ya beto.” Beno me mona wapi mutindu ya kiyungulu yina ba ke sadilaka? Kiyungulu yina, ya kieleka, keke ya yinza, bantu ya yinza.

⁵⁹ Bantu, bawu zaba yina bawu zola. Na yawu kana bawu fwana kuzwa yina bawu zola, kuna bawu fwana kuzwa mutindu mosi ya kiyungulu, mpe mingi ya yinza ke zonza, samu na kusepelisa ntomo ya bawu ya yinza. “Kiyungulu ya muntu yina

ke banzaka, ntomo ya muntu yina ke kunwa makaya.” Kiyungulu ya yinza ya musambidi, mpe ntomo ya muntu ya yinza.

⁶⁰ Bawu zola kuvwanda musambidi. Bawu banza ti bawu fwana vwanda musambidi, samu ti bawu kele na moyo.

⁶¹ Ntangu beto kwisaka ntete na yinsi yayi, beno me mona ba-Indien ke sambilaka mwini mpe nionso yina, samu (samu na yinki?) yandi kele muntu. Beto ke vutuka na bamfinda ya nene ya Afrika, beto ke tala bantu ya yinsi kusambila kima mosi. Samu na yinki? Bawu kele bantu, mpe bawu zola, fwana kusambila.

⁶² Na yawu muntu, ata mutindu yandi kubwaka, yandi zaba dyaka ti ya kele na kima kisika mosi. Kasi yandi kele na ntomo ya mutindu yina samu na yinza, ti yandi lenda ve kubaka kiyungulu ya kieleka. Yandi fwana kuzwa kiyungulu ya yandi mosi yina ke salaka. Mosi na mosi vwandaka sala mutindu ya kiyungulu ya bawu mosi.

⁶³ Kompani nionso ya tabaka ke lakisa ngolo ya yandi, yina bawu lungaka sala, “Kiyungulu ya kieleka! Yayi kele kiyungulu ya kulutila mbote! Nyonso na ntwala!” mpe nyonso mutindu yina. Yandi tubaka, “Ntomo ke kwisa,” to kima mosi, “na nsuka.” Oh, kyadi “Na nsuka? Yinki kele na nsuka ya yawu, ata ti? Ya kele kieleka ve bakala yina ke banzaka to kento yina ke banzaka. Kasi ya kele yina bawu ke tubaka, ke vunaka kaka bantu.

⁶⁴ Ntangu yayi beto ke tala, na kubanda kilumbu ya beto, ti bantu ke kuzwa ntomo. Mpe samu na yinki bakala ke kunwa makaya? Ya kele samu na kusepelisa ntomo mosi. Samu na yinki kento ke kunwa dikaya? Ya ke sepelisa ntomo mosi.

⁶⁵ Mpe na ntangu kana dibuundu me kuzwa kifwani kuna, nkonga ya misambidi, bawu . . . samu bantu kukota na kati kuna, bawu fwana kuzwa kiyungulu ya mutindu yina samu na kupesa bantu ntomo yina bawu zola. Na yawu kana bawu ke kuzwa ve ntomo yina bawu zola, bawu zola ve tabaka yina. Mpe kana bawu lunga ve kuzwa ntomo yina bawu zola na nsambulu, bawu ke bakaka ve nsambulu yina. Ntangu yayi, kaka pwelele mutindu ya lendaka vwanda.

⁶⁶ Bakento yina me lwata bakupe, bansuki ya kuzenga, bizizi ya kupakula, yina me lwata sexy, bawu zola yawu. Bawu ke zolaka yawu.

⁶⁷ Mutindu mu vwandaka tuba na suka yayi mpe na Lumingu me luta na suka, na pine yina na kati-kati ya pine, to mwa moyo yina na kati na kati ya mpeve. Wapi mutindu mpeve yina na ngaanda, na kati-kati ya moyo mpe nzutu, lenda vwanda kieleka ya kupakula na Mpeve-Santu. Beno nionso me bakula yawu? [Dibuundu me tuba, “Amen.”—Mu.]

⁶⁸ Ntangu yayi na kulanda yawu na kutatamana na Nsangu, *Nzambi Ya Yinza Yayi, Bapakulami Na Bilumbu ya Nsuka*. Ngaanda yayi, selekele yayi ya kati-kati . . . Selekele ya ntete kele

ba-sense ya kimuntu. Selekele ya zole kele ba-sense ya kimpeve; ya ke sala, luzolo ya beno mosi, mpe nionso yina. Kasi kati kele moyo; moyo yina vwandaka ya kusoola ntete.

Na yawu, bawu lenda pakula mpeve yayi samu na kusala ti nzutu yina kele na ngaanda na kutumama na mpeve. “Kasi moyo yina ke sumuka, moyo yina ke kufwa.” Moyo yina ke manga, na kukondwa lukwikilu, Ndinga ya Nzambi, yina ya kele kitini ya, moyo yina ke vwanda ya Kukonda nsuka . . . ke na yawu, ntangu nionso.

⁶⁹ Mu ke kwikilaka na lufwa ya Seko, mutindu mosi mu ke kwikilaka na Mazulu ya Seko, kasi difelo ya Seko ve. Ya kele ve na kima mutindu difelo ya Seko. Ya kele na lufwa ya Seko samu na bantu yina kele. . . . Mingi ya bawu, misambidi, na yinza bubu yayi, ke vwandaka ntangu nyonso ya kufwa.

⁷⁰ “Kento yina ke zinga na kati ya kilengi,” na bansuki ya yandi ya kuzenga mpe na kizizi ya kupakula, “kele ya kufwa na yina yandi kele moyo.” Biblia me tuba mutindu yina. Beno me mona? Beno me mona, yandi lendaka vwanda musambidi, kasi yandi vwandaka ata mbala mosi ve me kuzwa mpulusu. Yandi kele na mutindu ya ngaanda ya kusala. Yandi lendaka yimbila na chorale, to yandi lendaka bina na Mpeve, yandi lendaka zonza na bandinga, mpe kuzwa bakumonisama nyonso ya Mpeve. Kasi kana ti moyo yina na kati kele mwana ya kento ya Nzambi, beno me mona, yandi me kwenda, ata nyonso yina yandi ke sala.

⁷¹ Israel nyonso vwandaka na ngaanda landila kimpeve, bawu nyonso fulukaka na bumbote ya Nzambi, mpe wapi mutindu bawu zitisasaka Nzambi, mpe nionso yina, kasi yina tambulaka ve. Kati ya bawu lungaka ve kundima Ndinga Yawu mosi.

⁷² Kasi ntangu beno me butuka na Mpeve ya Nzambi, na yina beno kele . . . beno kele mwana ya Nzambi, mpe beno vwandaka ntangu nyonso mwana ya Nzambi, mpe beno ke vwanda ntangu nyonso mwana ya Nzambi. Ata nzila ya kukabula yawu ve, samu ti ya kele . . . beno me kuzwa Luzingu ya Kukonda nsuka. Mpe ata mbala mosi ve ti Seko kubandaka; to dyaka ya ke suka.

⁷³ Oh, samu na lemvo ya Nzambi, ti Yandi ke pesa beto lubakusu ya mansweki ya nene yayi! Mutindu Paul zonzaka awa, ntama mingi kuna na Ephésiens, na kuzonzaka na bakala mpe kento ya yandi, mpe tubaka, “Yayi kele dinsweki,” wapi mutindu bakento fwana vwanda na luzitu na bakala ya bawu. Ata mpe kisika ya zole, mu banza ti ya kele, Biblia ya muvimba, ti ba tubaka ya buzitu. Yandi tubaka, “Bakento, na kumonaka ti yandi kuzitisa bakala ya yandi, kuzitisa bakala ya yandi.” Na yina bakala fwana zinga luzingu ya mutindu yina na ntwala ya kento ya yandi ti kento ya yandi lendaka zitisa yandi mutindu mwana ya Nzambi. Mpe kana yandi zinga ve luzingu ya mutindu yina, mbote, na yina, ya kieleka, yandi ke zitisa yandi ve, samu yandi zaba yina yandi salaka. Kasi ntangu ya kele bakala yina kele na

luzitu bakala, na luzitu mpe na bunkete, na kento ya yandi mpe na ntwala ya dibuta ya yandi, kisadi ya kieleka ya Nzambi, na yina bakento, bana, mpe nyonso, zolaka zitisa kisadi yango ya Nzambi, na buzitu nyonso.

⁷⁴ Beno tala ntangu yayi. Kento, bawu zola kuvwanda na nsuki ya kuzenga. Bawu zola kulwata bakupe, kupakula, maquillage. Mwa bikiniki yayi mpe bima yina ba—yina ba ke lwataka ntangu yayi, ba ke zola kusala yawu; mpe kasi bawu zola kukwenda na yinzo-nzambi. Beno me mona kupakulama yina na zulu ya mpeve, ve na zulu ya moyo. Beno me mona?

⁷⁵ Yandi tubaka, yandi ke zola kuvwanda Muklisto mpe ke sala bima yayi, mpe pasteur ke tuba ti ya kele mbote. Na yina kana yandi tuba ti ya kele mbote, “Nge lenda vwanda mambele; nkumbu ya nge lenda vwanda na buku ya dibuundu ya munu awa; ya kele ok,” na yina yandi ke pesa kiyungulu ya yandi ya denomination samu na kusepelisa ntomo ya kento ya yinza. Yandi ke zolaka yinza; yandi ke zolaka ntomo ya yawu. Na yina yandi ke kuzwa kiyungulu samu na yandi, kasi yandi kele ntama mingi na kuvwanda kento yina ke banzaka. Kasi beno bawu yayi. Ya kele kisika yina mu monaka dilongi yayi.

⁷⁶ Ve, yandi kele ve kento yina ke banzaka. Kana yandi vwandaka banza, yandi zolaka zaba ti dibuundu ke sambisa yandi ve na Kilumbu ya nsuka. Dibundu ke na kufundisa yandi ntangu yayi na nzila ya bamambele ya yandi, kukwikama ya yandi na baselekele yina yandi kele mpe bimvuka. Ba ke fundisa yandi ntangu yayi na nzila ya yawu. Kasi Nzambi ke sambisa yandi na Kilumbu ya nsuka. Na yina yandi ke na kubanza ve.

⁷⁷ Kaka mutindu bakala yina kele kunwa makaya; yandi ke zolaka mingi tabaka ti lenda ya yandi ya kubanza me dyama na nicotine. Mpe bansatu ya kento yayi me dyamisa ba -lenda ya yandi ya kubanza tii yandi ke sala bima yayi yina kele yimbi na meso ya Mfumu, samu ti yandi zola kusala yawu; ya ke sepelisa ntomo ya kento ya yinza. Na yina yandi ke baka kiyungulu ya dibuundu ya yinza; yandi ke luta kaka na kati ya yawu, mbote, kima ve ya kukwamisa. Ya ke lakisa . . .

⁷⁸ Ntangu yayi beto ke mona kuna ti ya kele Kieleka. Mpe pasteur tubaka, “Ya kele mbote mingi. Beto ke fundisa ve bakento ya kusala yawu. Ya kele mbote mingi.” Ya kele na disumu mingi na kati ya yawu; ya kele na nzila ya kiyungulu ya yandi. Ya ke lakisa ti bawu lutilaka na kiyungulu ya théologie. Mpe bawu kuzwaka ntomo ya théologie; mpe bawu vwandaka na ntomo ya théologie. Kasi ya kieleka ya lutilaka ve na Kiyungulu ya Nzambi. Ve, tata.

⁷⁹ Ntangu yayi, kana ya kele na kiyungulu ya théologie samu na muntu yina ke banzaka na kukangamaka na théologie, mpe ya kele na kiyungulu ya dibuundu samu na muntu yina ke banzaka na kukangamaka na dibuundu, kiyungulu ya tabaka samu na

muntu yina ke banzaka na kukangamaka na tabaka, ya fwana vwanda kisika mosi na kulutisa na kiyungulu ya kieleka samu na muntu yina ke banzaka kieleka. Mpe Nzambi keke na Kiyungulu, mpe ya keke Ndinga ya Yandi. Ya keke yina ke kabulaka, samu ti Ya keke bamaza ya nkabwani samu na disumu. Ntangu yayi, ya keke ntomo ya muntu ke banzaka to ya muntu ya longo.

⁸⁰ Mpe kana muntu luta na nzila ya kiyungulu ya mutindu yayi ya yinza, yandi—yandi ke kuzwa ntomo ya yinza. Mpe mutindu kompani ya fumu, yandi ke kuzwaka bamambeke mingi na dibuundu ya yandi na kulutisaka bawu na nzila ya kiyungulu yayi. Kana bawu tuba, “Bakento mingi ke kwendaka na yinzoz-Nzambi kulutisa babakala.” Ya lendaka vwanda mutindu yina. Ntangu yayi, yina lendaka vwanda nionso ya kieleka, ntangu yandi lendaka kwenda mpe kusala konso kima yina yandi me zola. Ya kieleka. Yandi ke sala, yandi ke vukana na konso kima yina, kasi yandi sabukaka kiyungulu ya dibuundu yina. Kana yandi lutaka na nzila ya Kiyungulu ya Nzambi, yandi zolaka basika mutindu yankaka na yawu. Beno me mona? Yandi lendaka ve kuluta na nzila ya Kiyungulu ya Nzambi mpe kubasika na bansuki ya kuzenga. Yandi lungaka ve kusala yawu.

⁸¹ Ntangu yayi yayi keke mwa ndudi mu banza samu na muntu. Kasi ntangu yandi bandaka na nzila ya Kiyungulu ya Nzambi, mpe Yawu ke tuba kuna samu na bawu na kuzenga ve bansuki ya bawu, na manima (yinki?) yandi ke vwanda ba-club na lweka yankaka. Kana Yandi tubaka ti ya keke disumu samu na kento na kusala mutindu yina, mpe ti yandi keke kukondwa buzitu na kusala mutindu yina.

“Kana yandi zola,” yandi tubaka, “mbote, yandi fwana vwanda na bansuki ya kuzenga.”

Yandi tubaka, na yina, “Kulula yawu na ntangu yina.” Mpe yandi tubaka, “Beto zaba ti ya keke nsoni samu na kento na kuvwanda na yintu ya kukulula.” Yandi tubaka, “Na yina bika yandi kufika yintu ya yandi.” Mpe bansuki ya yandi keke kufika; yimpu ve, mama. Nsuki ya yandi keke kifukulu ya yandi, Biblia ke tuba. Kieleka. Ya ke lakisa ti yandi keke Naziréat na Mfumum. Bansuki ya yinda, samu na kento mosi, zola kutuba Naziréat na Mfumum. Ntangu yayi, beto ke mona ti ya keke kieleka.

⁸² Kasi beto ke mona kana muntu yina ke banzaka, yina ba ke bokilaka na yinza, lunga kunwa tabaka mpe kaka kuzwa ntomo ya yandi, yandi fwana vwanda na sense mingi samu na kuzaba ti yandi ke na kunwa goudron yina me katuka na tabaka. Kasi ya ke na kima mosi kaka ba ke landaka, ya keke kuteka na yandi kulutisa mingi, kusala ti yandi kusumba tabaka mingi.

⁸³ Mpe kiyungulu ya dibuundu ke kuzwa bumambeke mpe bima ya mutindu yina ntangu bawu lutisa bawu kukota na konso kima yina mpe kubikana mambele ya dibuundu, bawu ke kuzwa bamambeke mingi. Yinki ke salama kana beto kwenda na

mabuundu na nkokila yayi mpe beto kuyungula bantu nionso na ngaanda bayina vwandaka Baklisto ya kieleka yina me butuka na Ndinga. Ya ke vwanda na malongi mingi kuna na kibaka na nkokila yayi, ya kele kieleka, samu ya lutaka na nzila ya Kiyungulu.

⁸⁴ Mpe kana mu kuzwa nsatu mosi na kati ya ntima ya munu, mpe mu ke na kivuvu ti muntu nyonso ke na kuwa munu kele na kima mutindu mosi, “Nzambi, baka munu na nzila ya Kiyungulu ya Nge.” Mutindu David tubaka, “Meka munu, mpe talisa munu, mpe tala kana ya kele na mpeve ya yimbi na kati ya munu, na yina basisa yawu, Mfumu.” Beno me mona? Mu zola Kiyungulu ya Nzambi. Beno kipe ve yina yinza ke sala, yina dibuundu kele na yawu; Mu zola vwanda muntu yina ke banzaka, na kubanza Nani mu ke vwanda ya kutelama pene-pene ya mosi ya bilumbu yayi, samu na Lufundusu.

⁸⁵ Beno tala, kompani ya tabaka ke salaka yawu samu na kutekisa tabaka mingi; dibuundu ke salaka yawu samu na kuzwa bamambeke mingi. Kento na bansuki ya nkufi, yina ke lwata bakupe, ba ke kanga yandi na Kiyungulu ya Nzambi. Yandi lendaka ve kuluta na nzila ya Yawu, na bansuki ya nkufi, samu Biblia me tuba ti yandi lendaka ve kusala yawu. Yandi ke zitisa ve yintu ya yandi ntangu yandi ke sala yawu. Beto fwana zaba yawu. Kasi yandi ke kwendaka kaka na yinzo-Nzambi mbote, bayankaka nionso. Mu ke telemaka bantangu yankaka . . .

⁸⁶ Ve na kukondwaka buzitu na muntu; ata mbala mosi ve ti mu ke zonza na muntu mosi na mutindu ya yandi mosi, kasi ya kele disumu na kati ya dibuundu. Beno pesa munu kimbangi ya yawu. Mu tubaka ve, “Mademoiselle *Kingandi* kele *kingandi*, to Tata *Kingandi*, to Révérend *Kingandi* kele *kingandi*.” Ve, tata. Mu ke tuba ti disumu kele disumu. Kana ya kele na kati ya dibuta ya munu, ya kele na kati ya munu, ya kele na kati ya muntu nyonso ya kele, ya kele kaka disumu. Ve mutindu ya muntu mosi, mu ke teleminaka muntu mosi ve. Mu ke teleminaka disumu. Mu ke kipe ve kana ya kele munu to muntu nyonso yina ya kele, ya ke banda na Kiyungulu na nzila ya Nzambi, disumu nyonso ke sutopé beno kaka kuna.

⁸⁷ Beno tala. Kasi kento yina zola kuzwa nsuki ya nkufi mpe kulwata bakupe, to kulwata maquillage mpe nyonso yina, yandi lenda luta kaka na pete nyonso mutindu kupesa mbote na nzila ya kiyungulu ya Pantekote, kima mosi ve na zulu ya yawu, mbala mosi na lufwa. Mpamba ve, yandi . . . Yandi tubaka, “Mbote, ya kele ve na kima mosi ya yimbi na kati ya yawu.”

“Kana beno zola yinza to bima ya yinza, ya kele samu ti zola ya Nzambi kele ata fyoti ve na kati ya beno.”

⁸⁸ Kuna na nzila ya mpeve yayi, na yina, yandi lenda kulumuka na kati ya moyo ya yandi, bima yina kele ve ya Nzambi mpe ke telemina Ndinga ya Nzambi, kana ya kele ntomo na kati ya moyo.

Ya lendaka luta na nzila ya ntomo; *kumona, ntomo* . . . Ya lendaka luta na *mabanza*, na nzila ya *kubanza*, “Ya kele ve na yimbi na kati ya yawu. Mu ke mekaka. Mu kele na bansatu. Mu kele na nsatu ti yayi kele mbote mingi.” Yandi lenda kwiza mbala mosi na nzila ya yawu, mpe mbala mosi na kati ya moyo ya yandi, kana moyo ya yandi kele ya mutindu yina. Ya ke talisa ti yandi ke na kwisa ve kubaka maza na nzila ya Kiyungulu ya Nzambi.

Kasi kana yandi kele na bansuki ya kuzenga, ya kulwata maquillage, ba-pantalon, ya ke talana mutindu bakala, ba-pantalon nyonso yayi mpe nyonso yina bawu ke bokilaka yawu; na kutubaka mutindu ya bima yina, mpe kusala bima yina, mpe kuzinga samu na yinza, yandi ke sutopé; yandi lungaka ve kulutila Kuna. Ve, tata. Ya ke sutopé yandi na mbandukulu.

⁸⁹ Beno tala, bakala mosi vwandaka tala na bikoba ya yandi ya kitoko ya mbwaki mpe ya kupakula kizizi, mpe bakupe mpe—mpe bikiniki, mpe ata nyonso yina yandi me kuzwa; muntu yina ke banzaka ya kieleka zola tala yandi ve. Ntangu yayi, bakala yina kele mambele ya dibuundu ke tala yandi, ke sepela na yandi. Kasi mu ke kipe ve mutindu yandi ke tala na disu, muntu yina ke banzaka ke balula yintu ya yandi. Samu na yinki? Yandi vwandaka na nzila ya Kiyungulu ya Nzambi, mpe yandi zaba na kutala yandi kele kusala kindumba na kati ya ntima ya yandi. Yandi ke banza ve ti yandi kele kitoko mingi.

Beno tuba, “Yandi kele ve kima ya kitoko mingi!”

Ve samu na yandi ya kele ve. Yandi kele ya mvindu na kutalaka, ya kyadi Jezabel ya mputu, samu na muntu yina ke banzaka. Mwana ya Nzambi ke talaka yandi na zulu ya nsoni ti yandi kele ata mambele ya dibuta na yandi. Ya kieleka. “Wapi mutindu ya lendaka vwanza mpangi ya munu ya kento mpe kusala mutindu yina?”

⁹⁰ Beno me mona, kento lutaka na nzila ya kiyungulu mosi, mpe yandi lutaka na nzila yankaka. Yandi ke banza ve ti yandi kele kitoko, ata fyoti ve. Ya kele ve kitoko samu na bakala ya kieleka ya Nzambi.

⁹¹ Beno bambuka moyo, kilumbu mosi ntete Menga ya Yesu Klisto kukuma Kiyungulu, na yina beto ke kota na mwa minuti fioti, “Bana ya babakala ya Nzambi talaka na zulu ya bana ya bakento ya bantu, ti bawu vwandaka kitoko, mpe bakaka na bawu bakento.” Nzambi ata mbala mosi ve lemvo kilaka yawu. Ya salamaka dyaka, na kutambula ya Israël, mpe Nzambi ata mbala mosi ve lemvo kilaka bawu. Bawu nionso kufwaka.

Kiyungulu ya muntu yina ke banzaka!

Mu basikaka na lukutakanu awa, ya vwandaka na mwa Ricky mosi ya kutelama na manima awa na manima ya yinzo—Nzambi na nkokila mosi, yandi tubaka na munu, pene ya bamvula tatu to yiya me luta, yandi tubaka, “Ya kele samu na

yina nge ke tuba ti, nge kele kiboba ya bakala.” Yandi tubaka, “Mu banza ti bawu ke talana kitoko.”

Mu tubaka, “Mu lenda banza na yawu.” Kubanda kaka na kutala yandi, beno lenda tuba yina yandi vwandaka talana. Mu tubaka, “Bika mu tuba na nge kima mosi. Nge kele na bamvula yikwa?”

“Pene ya bamvula makumi tatu.”

⁹² Mu tubaka, “Ntangu mu vwandaka na bamvula kumi na tanu kulutila nge, mu banzaka kima mutindu mosi.” Kieleka. Mpe ya kele kaka mvindu!

⁹³ Kiyungulu ya muntu yina ke banzaka! Ntangu yayi beno tala, kana yandi vwandaka, mabanza ya yandi ba me yungulaka na Ndinga ya Nzambi, Kiyungulu ya Nzambi, yandi ke tala yandi ve. Yandi ke banza ve ti yandi kele kitoko; yandi ke banza ti yandi kele Jézabel. Yandi ke banza, na manima ya bikoba yango ya mbwaki kele bikangilu ya ndikila yina ke kufwaka ti ya lenda tsokota yandi. Mpe Biblia ke tuba, “Myelo ya yandi kele bankotolo ya difelo; mpe muntu ke tambula na kati ya bawu mutindu ngombe ke kwenda na abattoir ya yandi.” Ya kele na Kiyungulu ya muntu yina ke banzaka.

⁹⁴ Yinki beno ke zola? Ntangu kento ke kulumuka bala-bala ke lwata mutindu yina, mpe beno babakala ke balula yintu ya beno, ke ningana bisika nyonso mutindu yayi, beno ke na kusadilaka ve Kiyungulu ya muntu yina ke banzaka. Samu, ntangu beno ke sala yawu, beno ke sala kindumba, samu ti Kiyungulu yina tubaka, “Muntu nyonso yina ke tala kento samu na kulula yandi me sala yimeni pité na yandi.” Beno balula yintu ya beno, bakala yina ke banzaka. Beno katuka na ntuala ya yandi. Yandi kele kitoko ve. Yandi kele nyoka; ya kele kieleka, yandi ke niongumuka mutindu nyoka, nyandi ke sala mutindu nyoka, yandi ke tatika mutindu nyoka. Kwenda ntama na yandi.

⁹⁵ Oh, yinga, Ndinga ya Nzambi kele Kiyungulu ya muntu yina ke banzaka. Muntu nyonso zaba yawu. Ya kele samu na yina moyo ya beno kele ya kulutisa na kiyungulu, Ndinga ya Nzambi. Mpe Yawu ke salaka, ntangu beno ke kwizaka na nzila ya Nzambi. . . Ntangu muntu yina ke banzaka ke luta na nzila ya Kiyungulu ya Nzambi, ya ke pesa yandi ntomo ya muntu ya santu. Ya kele kieleka. Ntangu beno ke luta na nzila ya Kiyungulu ya Nzambi, kuna ntomo ya beno kele ntomo ya muntu ya santu. Ya ke sala ntomo ya muntu ya kusungama. Nzonzolo kieleka kele mbote.

⁹⁶ Ntangu yayi beto ke tala mutindu ti yayi kusalamaka na kifwanukusu, na Israel, samu na dibuundu ya Israel kaka. Ya kele samu na yina, ke na kuzonzaka yayi ntangu yayi, kana milongi ke wisana ve na zulu ya nyonso yina ba me tuba; yayi kele samu na dibuundu ya munu ti Mfumu me pesa munu na ku—kulonga.

⁹⁷ Beno tala na Exode 19, mu zola ti beno tanga yawu ntangu beno ke vutuka na yinzo, ntangu beno ke kuzwa ntangu mingi. Beno tala, ntangu Israel salaka disumu, ntete ba bakaka ngombe ya kento ya mbwaki yina vwandaka ve na kizitu na laka ya yandi. Ya zola kutuba ti yandi vwandaka dyaka ve ya kukangama na kima mosi.

⁹⁸ Mpe yandi zolaka vwanda mbwaki. Ntinta ya mbwaki kele ntinta ya kukatula masumu. Beno zaba, science zaba ti kana beno baka mbwaki mpe beno tala na nzila ya mbwaki, na mbwaki, ya kele mpembe. Beno tala na nzila ya mbwaki, na mbwaki, ya kele mpembe. Yandi ke tala na nzila ya Menga ya mbwaki ya Mfumu Yesu, mpe masumu ya beto ya mbwaki me kuma mpembe mutindu mvula ya mpembe; mbwaki na nzila ya mbwaki.

Mpe ba vwandaka kufwa ngombe ya bakala na ntangu ya nokokila, na dibuundu ya muvimba ya Israel.

Mpe ya vwandaka na bamputa sambwadi ya menga ya yandi na zulu ya kielo kisika dibuundu ya muvimba zolaka kukota; kifwanukusu ya Bansungi Sambwadi ya Dibuundu, na nzila ya Menga.

⁹⁹ Mpe na manima ba bakaka nzutu ya yandi mpe ba yokaka yandi na tiya. Ba vwandaka yoka yawu na maboto, na mpusu, na misopo, na matufi. Nionso vwandaka yokama kintwadi.

Mpe ba zolaka baka yawu na muntu ya kutsyema, mpe ba zolaka tula yawu na kisika ya kutsyema na ngaanda ya dibuundu. Na yina, kana Israel lendaka kaka kumona kifwanukusu! Ndinga yayi ya Nzambi fwana ve kusimbama na maboko ya mvindu ya kukondwa lukwikilu. Ya fwana vwanda muntu ya kuvedila. Mpe kana yandi kele ya kuvedila, yandi zolaka kwiza na nzila ya Kiyungulu ya Nzambi.

Bakala ya kuvedila, maboko ya kuvedila, mpe ba fwana bumba yawu na kisika ya kuvedila; kisika ve wapi kisika ba-Jézabel, mpe ba-Ricky, mpe bima nionso ke vukana; kubaka kominyo mpe nyonso, ntangu bawu ke kwenda bisika nyonso na bakento, mpe babakala, mpe mitindu nyonso ya mvindu; na kukwendaka na kubina mpe mikembo, mpe kulwata nsuki ya kuzenga, mpe kulwata bakupe, mpe nyonso yankaka, mpe kukibokila bawu mosi Miklisto. Ba fwana bumba yawu na kisika ya kuvedila, mpe ba me simba yawu na maboko ya kuvedila.

¹⁰⁰ Mpe kuna ntangu Israel sumukaka, mpe zabaka ti bawu salaka yimbi, kuna ba mwangisaka bawu mwa maza na mbombi ya ngombe ya bakala yayi, na zulu ya bawu. Mpe ya vwandaka maza ya nkabwani, yinzo ya kuvedisa samu na disumu.

¹⁰¹ Beno tala. Yawu yayi! Mpe ntangu Israel, ntete bawu kota na kubundana na kusambila, bawu zolaka luta ntete na nzila ya bamaza ya nkabwani. “Kunungisama na nzila ya lukwikilu; ke kwizaka na nzila ya kuwa, kuwa Ndinga.”

Na manima bawu kotaka na dibuundu na nzila ya bidimbu yango sambwadi, menga, samu na kutalisa ti kima mosi kufwaka mpe kwendaka na ntwala ya bawu, samu na disumu ya bawu. Bawu vwandaka ya kukabuka na kuwaka Ndinga, bamaza ya nkabwani, kuna kotaka na kubundana.

¹⁰² Kisika kaka yina Nzambi kutanaka na muntu vwandaka na manima ya lutumu yina. Yandi zolaka ve kukutana na yandi kisika nyonso yankaka. Yandi zolaka kwiza na manima ya lutumu yina. Nzambi kaka kutanaka na Israël na kisika mosi.

Mpe Nzambi ke kutana kaka na beno bubu yayi na kisika mosi, mpe ya kele na kati ya Yesu Klisto; mpe Yandi kele Ndinga, bamaza ya nkabwani. Mpe Menga ya Yandi tiamukaka samu na Bansungi nyonso Sambwadi ya Dibundu. Mpe kuna, na nzila ya Mpeve-Santu, beto ke kota na mbundana yina, yina kele kaka ya kupesa na Dibundu. Oh, wapi mutindu nene Yandi kele!

¹⁰³ Mpe, ntangu yayi, beto zola kutala na Éphésiens 5:26, yandi tubaka, “Ya kele kusukwama ya masa na nzila ya Ndinga,” bamaza ya nkabwani. Yinki Yawu ke sala? Na yina, Kiyungulu ya Nzambi kele Ndinga. Bamaza ya nkabwani, “kusukula ya bamaza, ya nkabwani, na nzila ya Ndinga,” Kiyungulu ya Nzambi.

¹⁰⁴ Na yina, beno lenda ve kukota na Klisto na nzila ya kiyungulu ya dibuundu yina ke kiyungulu ya dibuundu. Beno lenda kwiza ve na nzila ya kiyungulu ya denomination to kiyungulu ya credo. Ya kele kaka na Kiyungulu mosi, yina beno lenda kota na kisika yina ya santu, yina kele na nzila ya “kusukula ya masa na nzila ya Ndinga.” Ndinga ya Nzambi kele Kiyungulu ya muntu yina ke banzaka.

¹⁰⁵ Dibundu ke sambisa beno awa kana beno kele mambele ya mbote, to ve. Ba ke sadila beno matanga ya mbote, mpe ba ke kulumusa dalapo na lufwa ya beno, beno fidisa bibulu ya nene ya bafelele mpe—mpe beno sala nyonso samu na beno. Kasi ntangu ya ke kuma na ntwala ya moyo ya beno samu na kukutana na Nzambi, ya fwana vwanda na Luzingu ya Kukonda nsuka. Mpe kana ya kele Luzingu ya Kukonda nsuka, ya kele kitini ya Ndinga. Mpe mutindu ndinga ya munu mosi lenda manga ve. . .

Diboko ya munu mosi lenda manga ve diboko ya munu. Meso ya munu mosi lenda manga ve diboko ya munu, to dikulu ya munu, to dikulu ya munu, to kima mosi ya munu. Ba lenda manga yawu ve.

Mpe bakala mosi ve yina kele kitini ya Ndinga ya Nzambi, to kento mosi, ke manga kitini mosi ya Ndinga ya Nzambi. Na yina, bakento, ntangu beno ke banza ti beno lendaka vwanda na bansuki ya kuzenga mpe kukwisa na Mvwandulu ya Nzambi, beno kele na kifu. Beno me mona yawu? Beno kele na kifu; beno lenda ve kukwisa na nzila ya Kiyungulu ya Nzambi kisika beno ke sukula na maza ya Ndinga. Na yina beno ke kota na

mbundana. Beno ke banza ti beno kele, kasi beno lenda vwanda ve tii ntangu beno ke luta na nzila ya Ndinga, mpe konso kisika yina, konso kitini Ndinga ya Nzambi. “Muntu ke zinga kaka na dimpa ve, kasi na Ndinga nionso.” Ya fwana luta na nzila ya kimvuka yina, ke luta. Mpe yina ke pesaka ntomo ya muntu ya kudedama, samu ti ya kele samu na yina yandi ke na kusosa, ke na kusosa kima mosi samu na kusukula yandi.

¹⁰⁶ Ndinga, Ndinga ya Nzambi kele Kiyungulu ya muntu yina ke banzaka, mpe Yawu ke salaka ntomo ya muntu ya kudedama. Beto zaba ti kieleka; ya ke yungula disumu nyonso ya kukondwa lukwikilu. Ya kele dyaka ve na kukondwa kukwikila ntangu beno ke luta na nzila ya Kiyungulu, samu ti ya kele ntomo ya mukwikidi ya kieleka.

¹⁰⁷ Mukwikidi ya kieleka ke zola kuvwanda ya kusungama, ata nyonso yina. Yandi zola kaka ve kutuba, “Mbote, mu ke vwandaka na kati ya bimvuka ya bantu. Mu ke vwandaka ya dibuundu, dibuundu ya kulutila nene na kati ya mbanza.” Mu ke kipe ve kana ya kele mission mosi kuna na nsongi ya nzila, kana ya kele mwa yinzo ya fioti ya matiti kisika mosi kuna, bakala yina ke banzaka zaba ti yandi fwana kukutana na Nzambi. Mpe ata nyonso yina dibuundu ke tuba, to muntu yankaka ke tuba, yandi fwana lungisa misiku ya Nzambi. Mpe bampova ya Nzambi kele Ndinga ya Nzambi.

“Mbote,” bawu ke tuba, “Ndinga ya Nzambi.”

Kieleka, bawu nyonso ke kwikila ti Yawu kele Ndinga ya Nzambi, kasi ba fwana yungula beno na nzila ya Yawu? Wapi mutindu beno ke bika kento yina me zenga bansuki kuluta na nzila yina Kuna? Wapi mutindu beno ke sala yawu? Wapi mutindu beno ke bika kukwisa kuluta na nzila yina Kuna Bakala yina ke manga kusimbisa Malongi yayi? Beno me mona?

Ya kele ve ntomo ya muntu yina ke banzaka. Ve. Muntu yina ke banzaka ke banza, muntu yina ke banzaka ke banza bambala zole ntete yandi kota na yintu ya kukulumusa na kati ya kima mutindu yina.

¹⁰⁸ Beno tala, Ndinga yango lenda ve kumanga Yawu mosi. Na yina ya ke sepela, to ya kele nsatu. Ya kele nsatu ya yinki? Yinki me sala beno kuzola Yawu, na kisika ya ntete? Samu kuna na kati ya moyo ya beno ya vwandaka na nkuna yina ba zabaka na soolaka yina vwandaka Luzingu ya Kukonda nsuka, ntangu nyonso ya kele ya kulelika na kati kuna, ntangu nyonso vwandaka na kati kuna. “Bayina nyonso Tata pesaka Munu ke kwiza na Munu. Ya kele ve na mosi ya bawu yina ke zimbana.”

¹⁰⁹ Ntomo ya muntu yina ke banzaka, ntangu muntu yina ke banzaka ke kuwa Ndinga ya Nzambi, “Mameme ya Munu ke kuwa Ndinga ya Munu, nzenza bawu ke landa ve,” samu kuna na kati kele Luzingu, mpe Luzingu ya kuvukana na Luzingu.

Disumu ke vukana na disumu, mpe disumu kele luvunu mingi tii kuna yawu ke banza ti yawu me kuzwa mpulusu ntangu yawu me kuzwa mpulusu ve. Ya kele kieleka mudindu ya luvunu mingi.

¹¹⁰ Bamambele ya dibuundu ke zolaka kiyungulu ya denomination samu ti bawu kuzwa nsatu ya bawu mosi mpe dyaka vwandaka na kalasi ya bantu ya “misambidi.” Beno ke kuwa bawu kutuba, “Oh, yandi kele musambidi ya kieleka.”

¹¹¹ Na Afrika, vwandaka kuna kilumbu mosi, mpe bawu vwandaka zonzila na zulu ya bayayi, ndambu ya bana vwandaka zonzila na bankunga yayi ya rock-and-roll yina Elvis Presley mpe bayankaka vwandaka yimba, Pat Boone mpe nionso yina, Ricky Nee mpe bayankaka nionso. Mu tubaka, “Bawu kele nkonga ya bimpumbulu.”

Mwa ntwenya mosi ya kento tubaka, “Kasi, yandi kele musambidi ya kieleka.”

¹¹² Mu tubaka, “Mutindu mosi vwandaka Judas.” Mu tubaka, “Judas kele kaka na mbongo makumi tatu ya bisengo; Elvis Presley kele na mafuku mingi ya ba-dollar.” Beno me mona? “Bawu zole me tekisa bukuluntu ya bawu.” Beno me mona? Mu tubaka, “Ba kele ve ki- . . . muntu mosi ve me nataka na yinsi nsoni yina yawu kele na yawu kulutula bawu.” Dyaka, kaka mutindu ya ke na kuvunaka kiyungulu ya tabaka, badenomination yayi ke bika bamambele yina kukota. Bawu zolaka vwanda ve . . . Ya zolaka vwanda na musiku ti bawu zolaka yimba ve mikunga ya misambidi. Ya ke swaswana . . . ya fwana vwanda ya kuswaswana na musiku samu na bawu na kusala yawu.

Kasi nyonso me kuma kikunku ya nene ya luvunu, mpe ti kuna wapi kisika bawu ke vwanda bubu yayi. Film ya kieleka . . . [Kisika ya mpamba na bande—Mu.] samu na moyo, me tuba, “Kana beno zola yinza to bima ya yinza, zola ya Nzambi kele ve na kati ya beno.”

¹¹³ Beno me mona, beno lenda ve—beno lenda ve kutuba rock-and-roll kele ya yinza . . . to ya kele ya Nzambi. Rock-and-roll kele ya yinza. Mosi ya mabina yango mpe ba lutisaka na kiyungulu . . . bima ya ke pesa nsatu ya kuluka ya mvindu, na kisika, kele ya yinza. Ya kele nyonso ya yinza.

Beno lenda ve kutuba ti bansuki ya kuzenga samu na kento kele ya Nzambi. Biblia me tuba ti ya kele ve mutindu yina, na yina ya kele mvindu ya yinza. Mpe kana beno ke zolaka kitini mosi ya lupangu ya yinza, zola ya Nzambi kele ve na kati ya beno. Beno me mona?

¹¹⁴ Yinki ya kele? Mbote, yinki ke na kubendaka yawu? Ya kele kima mosi ke na kubendaka na kati. Moyo ke na kubendaka yinto ya beno na nzila ya ngaanda, na nzila ya mpeve, na kati ya moyo. Mpe kana moyo zola yinza, ya kele ya kufwa. Mu ke

kipe ve mutindu ya kele ya kupakula, ya kele *awa*, mpe mutindu ya kulunga ya kele *awa*; na yisi *awa* ya kele ya kufwa. “Samu ti yandi yina ke zolaka yinza to bima ya yinza, zola ya Nzambi kele kwandi ve na kati ya yandi,” ya lenda vwanda wapi mutindu ya musambidi.

¹¹⁵ Kiyungulu ya kieleka, mutindu yina, ke—ke tula bima nyonso yina na ngaanda mpe kunata kima ve kasi makieleka ya Nzambi, Ndinga, na kati ya moyo ya kieleka.

¹¹⁶ Bawu kele mutindu Esaü, na ngaanda ok. Ésaü vwandaka musambidi na ngaanda. Mpe ntangu ya ke kuma na nsambulu, ya monanaka ti ya vwandaka musambidi mingi kulutila Jacob. Yandi monanaka ti yandi vwandaka muntu ya kulutila mbote na Jacob, kasi na kati ya yandi, yina yandi vwandaka. Yandi vwandaka musambidi ya ngaanda, kasi mbanzulu ya yandi lutaka ve na kiyungulu. Yandi banzaka ve na muswa ya bukuluntu. Yandi—yandi banzaka ve ti Nzambi, bukuluntu vwandaka na ndandu ya kulutila mutindu yina Nzambi tubaka. Kuna yandi vwandaka, tubaka, “Mu kele na nzala, wapi luswaswanu ya ke sala na bukuluntu ya kununa? Beno lenda kuzwa yawu kana beno zola yawu.” Oh, la la! Beno me mona?

“Mu ke kwendaka na dibuundu; mu kele kaka mbote mutindu beno kele. Denomination ya munu kele kaka mutindu. . . Mbote, ya kele mosi ya kulutila nene na yinza. Mama ya munu vwandaka ya yawu. Tata ya munu vwandaka ya yawu. Nyonso *yayi*, *yina*, mpe *yankaka* yina. Pasteur ya munu vwandaka ya kulunguka; yandi me kuzwa *yayi-mpe-yayi*.” Yina ke nata yandi ntama mingi na Nzambi. Yina kele ve kiyungulu ya muntu yina ke banzaka.

Kana ya zolaka, wapi mutindu Pierre zolaka vwanda yina yandi vwandaka, ntangu yandi zolaka ve kusonika nkumbu ya yandi mosi? Kasi yandi nataka Kiyungulu ya muntu yina ke banzaka. Beno tala. Oh, la la!

¹¹⁷ Ésaü banzaka ti bukuluntu yina zolaka kutuba ve yina Nzambi tubaka ti ya salaka. Ya vwandaka luswaswanu na kati-kati ya Luzingu mpe lufwa. Mpe na yawu, mutindu Eve mpe mutindu Judas, tekisaka bukuluntu ya bawu samu na kiese ya ntomo ya luzabu ya civilisation. Ya kieleka yawu yina Eve tekisaka bamuswa ya yandi ya bukuluntu. Yandi tekisaka yawu samu na mwa ntomo ya science, mwa ntomo ya luzabu ya yinza, mwa dibuundu mosi ya mbote mingi, mwa kalasi ya bantu ya kulutila mbote, bubu yayi ba ke bokila yawu. Beno me mona?

Mpe Judas tekisaka bukuluntu ya yandi na mbongo makumi tatu ya bisengo, mpe kusala mwa ba-dollar mingi. “Dibuundu ya munu lenda futa munu mbote mingi awa, mpe mu ke longa kaka awa.” Beno me mona? “Na yawu, kana mu kuma mulongi, mbote. . .”

118 Bawu tubaka, “Mpangi Branham, beto ke kwikila ti Nsangu yina kele Kieleka, kasi beto lenda ve kundima Yawu. Kana beto salaka yawu, samu na yinki, wapi kisika beto ke longa?” Huh! Yinza, mpangi, ya kele paroisse. Kieleka. “Mbote, ata mpangi ya munu ke ndimisa munu ve.” Mu—mu ke vingila ve ti ata mosi ve ya mpangi ya munu kundimisa munu. Mu ke na kuvingila Yesu Klisto na kundimisa munu, samu ti Yandi telamaka na lweka ya Yawu. Yandi kele Yandi Yina tubaka Yawu.

119 Mpe ntangu bukuluntu ya kieleka, Menga, ba lutisaka na kiyungulu na nzila ya Ndinga; mpe disumu nyonso, mpe yinza, mpe dibuundu, mpe ba-dénomination, mpe binzambi-nzambi, me bikana na ngaanda. Ndongosolo, civilisation, dibuundu, denomination, sysiteme, disumu ya bifwanukusu nyonso me bikana na ngaanda ntangu muntu yina ke banzaka ke baka Kiyungulu ya muntu yina ke banzaka, na mutindu ya Nzambi.

120 Ya kele ve na kima me bikana na kati ya yawu ntangu muntu ke benda luzingu ya yandi—ya yandi na nzila ya Kiyungulu ya Nzambi; beno tala, awa luzingu ya beno vwandaka nyonso me kota na kati ya poto-poto na disumu, samu ti beno vwandaka “ya kubutama na kati ya disumu, ya kubutuka na kati ya disumu ya nku, kwizaka na yinza na kuzonzaka baluvunu.”

Mu ke tuba kima mosi, mutindu Mpangi McComas tubaka. Wa munu.

121 Ntangu beno me kwiza na yinza yayi, beno me butuka na disumu. Beno me kwiza kwandi ve na siansi ya kunwana. Beno vwandaka “ya kubutama na kati ya disumu, ya kusala na kati ya disumu ya nko, kwizaka na yinza na kuzonzaka baluvunu,” na kati ya mpeve ya beno mosi, nsatu ya disumu, zola ya disumu samu ti beno butukaka na disumu. Beno kuzwaka siansi ve.

Kasi kuna na kati ya beno, kisika mosi kuna, beno me kwisa, ya vwandaka na kima mosi na kati kuna yina bandaka na kubenda. Kana beno zabaka, ya vwandaka kima yina tubaka na beno ti ya vwandaka na Nzambi kisika mosi kuna; mpe beno tanga Ndinga ya Yandi. Na yina beno bakaka dibuundu, beno bakaka mabanza ya bawu ntangu ba tubaka na beno mambu ya mbote, na yina beno me sadilaka ata fioti ve Kiyungulu ya muntu yina ke banzaka. Kasi ntangu beno ke sadila Kiyungulu ya Nzambi, yina kele Kiyungulu ya muntu yina ke banzaka, samu ti, “Biyungulu nyonso yankaka ke luta, kasi ya Munu ke luta ve.” Mpe ntangu beno ke baka Kiyungulu ya Nzambi mpe ke benda luzingu ya beno, bansatu ya beno; kana beno ke benda bansatu ya beno na nzila ya Kiyungulu ya Nzambi, Kiyungulu ya muntu yina ke banzaka, ya kele ve na kima yina me bikana kasi Mpeve-Santu.

122 Ntangu yayi, kana beno zola nzikisa ya Mpeve-Santu, yawu yina. Ntangu moyo yina ya beno ke sungama na Ndinga ya Nzambi, na buzitu nionso, ya ke talisa ti beno me balula luzingu

ya beno na nzila ya Kiyungulu ya muntu yina ke banzaka, Kiyungulu ya Nzambi.

123 Beno tala, ya kele Kiyungulu ya Nzambi yina? Yandi tubaka, “Ba me sukula beto na nzila ya masa ya Ndinga.”

Mpe ntangu Nzambi pesaka Adam mpe Eve Kiyungulu, na disamba ya Eden, Yandi tubaka, “Beni tula ve mosi ya *yayi* na kati kuna.” Kasi Satana salaka na kati ya Yawu, yandi tubaka, “Oh, ya kele mwa fyoti, ya ke nyongisa ve.” Ditono mosi kaka, kuluta, ya kele nionso yina ya lombaka samu na kukotisa lufwa na kati ya bantu.

124 Yawu yina kaka ya ke lombaka, kumeka ntomo mosi kaka ya nicotine, ba me beba.

125 Ya kele ve na kima yina me bikana kasi Mpeve-Santu.

126 Mpe kuna yina ke lakisa ti na kati ya beno vwandaka nkuna yina ba zabaka na mantwala na kati ya beno, yina ke sala ti beno vwanda na nsatu ya Nzambi. “Bayina nionso Tata pesaka Munu, pesaka Munu samu na kuvulusa; bawu kufwaka na Munu na Calvaire; bawu vumbukaka na Munu na mvumbukulu; nionso yina Yandi pesaka Munu, ke kwisa na Munu. Ba ke tula bawu na kati ya Nzutu, kisika makulu, maboko, mbombo, yinwa, nyonso yina ya kele; ba ke tula yawu na kati Kuna. Mpe bawu ke kwiza na Munu na nsungi ya bawu.” Oh, la la!

127 Yina kele na kiyungulu ya kieleka ya masumu nionso ya yinza, mpe zola ya yinza kele ya kufwa, mpe moyo yayi ke na kubendaka kaka kima mosi. Yawu yayi, ve. . . Beno bambuka moyo! Beno zimbana yawu ve. Beno nionso yina kele kuna na alo-alo, ya vwanda na kati ya mabanza ya beno. Ntangu muntu yina ke banzaka ke banda na kubanza na ntuala ya Nani yandi ke kutelama, mpe yinki Ndinga ya Nzambi kele; ntangu yandi ke banda na kubanza, na yina ntangu yandi ke banda na nzila ya Yawu, ya kele ve na kima mosi lenda kuma na yawu kasi Mpeve-Santu.

Yinki ya kele? Ya kele germe, Ndinga nkuna kubanda mbandukulu, ti beno vwandaka na kati ya Nzambi na mbandukulu, ya kutelama awa na kubendaka Luzingu nkuna. Nkuna kele na kati ya ntima ya beno, na nzila ya nsodolo ya ntete. Alleluia! Nkuna kele yimeni na kati kuna, na nzila ya luzabu ya mantwala ya Nzambi, yina ba soolaka na mantwala. Mpe ntangu ya ke benda, ya lungaka ve kubenda kima yankaka kasi Ndinga.

Mpe kuna ya kele ntomo ya muntu yina ke banzaka, muntu ya kusungama, muntu ya santu yina ke monaka Biblia, ti Yesu Klisto kele mutindu mosi mazono mpe kukonda nsuka. Yinki ke kota na kisika yina kuna? Ndinga yina, yina kele na kati ya ntima. “Mu me bumba Ndinga ya Nge na kati ya ntima ya munu, ti mu ke sumuka ve na ntuala ya Nge.”

Yinki ya kele, ntangu ya ke na kubendaka na nzila ya Ndinga? Ya kele kaka na kima mosi ke luta na nzila ya Ndinga; ya kele Mpeve-Santu. Ya kele kaka kima yina lenda luta na nzila ya Ndinga, ya kele Mpeve-Santu. Mpe Kiyungulu ya muntu yina ke banzaka ke pesaka muntu ya santu ntomo.

¹²⁸ Na yina, yandi kuwaka ntomo ya bima Mazulu; yandi kele na Ndinga ya Nzambi na kati ya ntima ya yandi. Yandi ke mona Yawu monisamaka na ntwala ya yandi, mpe moyo ya yandi nyonso kele ya kufuka na kati ya Yawu, mpe yinza mpe bima nyonso kele ya kufwa pene-pene ya yandi.

¹²⁹ Kiyungulu ya muntu yina ke banzaka, ya nsambulu; mpe na kuyungulaka nsambulu ntangu yayi ti mu ke na kubanzaka. Ntangu Kiyungulu ya muntu yina ke banzaka ke pesaka ntomo ya muntu ya santu, beno me mona, Yawu ke sepelisa ntomo ya yandi. Yandi ke mona ti Yesu Klisto kele mutindu mosi mazono, bubu yayi, mpe kukonda nsuka. Yawu yina. Beno me mona Yandi kaka na ntwala ya beto, na kusalaka bima mutindu mosi Yandi salaka; yawu sepelisaka ntomo ya muntu ya santu, mutindu ya yandi ya kubanza.

¹³⁰ Yandi zaba na yina ti yandi me luta lufwa na Luzingu. Mpe yandi ke zolaka, mpe—mpe—mpe ya ke zolaka samu na yinza . . . ya vwanda ya kusiamisa, mpe ke zola ti Ndinga vwanda ya kusiamisa mpe yina ba siamisaka. Na konso nsungi yandi ke vingilaka Yawu, samu ti yandi kele muntu ya santu mpe yandi kele na nsatu ya kumona Nzambi. Bayankaka zola kaka kuvukana na dibuundu. Bakala yayi zola kumona Nzambi. Yandi ke mona Yandi ve na kati ya kikunku ya ba-credo. Yandi ke mona Yandi ve na ba-orgue ya nene ya mbote, to ba-cathédrale, mpe bakulunsi ya kuzangula mingi, to bantu ya mayele na mutindu ya kulengula na ba-col ya kubalula na manima. Yandi ke mona Yandi ve na théologie mpe na théologien. Yandi ke mona Yandi na nsiamisa ya Ndinga ya Yandi.

Mu monaka Yandi na kati ya ba tiya ya bivouac ya Yandi.

Meso ya munu me mona nkembo ya nkwizulu ya Mfumu;

Yandi kele na kututaka bambuma kisika ba me bumba bambuma ya ba yinti ya vinu;

Yandi me zibula nsemo ya mbele ya Yandi ya boma na nswalu;

Kieleka ya Yandi ke na kutambula. (Ya ke, tii na nsuka. Yinga, tata.)

¹³¹ Beno me mona yina mu zola kutuba? Kiyungulu mosi, muntu . . . To, Kiyungulu ya muntu yina ke banzaka; muntu yina ke zola kutelama na kati ya Mvwandulu ya Nzambi. Yinki vwandaka Kiyungulu ya Nzambi? Ndinga ya Yandi. “Kilumbu yina beno ke kudia yawu, kilumbu yina beno ke kufwa.” Beno

kipe ve yina ke salama awa; beno luta ve Ndinga yina. “Ya kusukula na bamaza ya Ndinga,” Kiyungulu ya muntu yina ke banzaka. Denomination ve, credo ve, dibuundu ve, cathédrale ve; kasi Kiyungulu ya muntu yina ke banzaka, samu ti ba ke sambisa beno na nzila ya Ndinga. Muntu yina ke banzaka ke banza mutindu yina. Muntu ya bulawu, to ntomo ya yinza, ke baka kaka kima nyonso, kiyingilu. Samu na yinki kiyingilu ntangu ya kele na Muntu ya kieleka?

¹³² Beno banza, beno banza kaka na yawu minuti. Kento mosi vwandaka tuba na bandinga, na bansuki ya kuzenga mpe rouge à lèvres, mpe kuna dibuundu ke kangama na yawu, ti ya kele nzikisa ya Mpeve-Santu.

¹³³ To mulongi mosi ya lukolo ya seminare to lukolo mosi ya Biblia, na kusadilaka mbotika ya ba-trinitaire, to kukakula Ndinga, na credo mosi to denomination mosi. Ya kele Kiyungulu ya muntu yina ke banzaka? Ya kele ve mutindu mu ke mona yawu, mpangi. Ya kele muntu ya bulawu yina ke na kubenda na nzila ya yawu. Ya kele kieleka. Beno lenda banza yawu? Na kisika ya kusadilaka Ndinga ya Nzambi mutindu Kiyungulu ya moyo ya yandi; na kubikaka ti credo ya ntama mpe kuvukana ya denomination na zulu ya yandi mutindu yina, na kisika ya kubaka Ndinga ya Nzambi samu na Kiyungulu. Mpe na manima yandi ke sala nsambukulu na yawu, mpe me bikabawu kukota na kati ya yandi na nzila ya lutumu ya kundimisa malongi ya bantu, na kusalaka bima, “na kutala na kuvunaka Basolami,” mpe na kubikaka Ndinga.

Na yina, yandi lendaka benda na moyo ya yandi mosi, kana ya kele na kima na kati kuna samu na kubenda. Kasi kana nkuna yina ba soolaka ntete. . . Beno kondwa yayi ve. Kana nkuna yina ba soolaka ntete kele ve na kati kuna, ya ke benda ve na Kuna, samu ti ya ke benda nyonso samu na bansatu ya yawu.

¹³⁴ Kana muntu ke kunwa tabaka yandi zola ntomo ya muntu ke kunwa tabaka, mpe kana yandi me kuzwa mwa nsongi ya yinti. . . Mu ke tuba, “Beni kanga musapi ya beno,” mpe yandi telemaka kuna ke fiba musapi ya yandi.

¹³⁵ Samu na yinki, yandi vwandaka tuba, “Yina kele buzoba.” Samu na yinki? Ntomo ya yandi kele samu na ntomo ya nicotine. Na yawu, yandi kele ve muntu yina ke banzaka. Beno me mona? Kasi beno ke tuba, “Mbote, mu ve, mu ke kuwa ntomo ya kima mosi ve. Mu zola kuwa ntomo. . . Mu zola kuwa ntomo ya tabaka. Mu ke kuwa ve ntomo ya kima mosi.”

¹³⁶ Beno pesa yandi pince ya bilele mpe beno bika yandi kudia yawu. Beno me mona? Ya kieleka, beno bika yandi fiba yawu. Yandi ke tuba, “Mu ke kuwa ntomo ya kima mosi ve.” Samu na yinki beno ke fiba yawu, na yina? Beno ke na nsatu ya kuwa ntomo ya nicotine.

Mpe ntangu beno ke baka credo ya dibuundu, mpe beno ke lwata kaka bansuki ya kuzenga, bizizi ya kupakula, mpe beno ke lwata bilele ya kinkonga; mpe beno babakala beno tala yawu, mpe bima nyonso yankaka yayi, mpe beno landila mutindu beno ke salaka. Yinki ya kele? Yinki kele na kati kuna? Yinza kele dyaka na kati kuna, mpe beno ke kuzwa ntomo. Beno ke na kubenda yawu samu na kuwa ntomo.

¹³⁷ “Mu ke kwendaka na dibuundu *yayi*; ba ke tangunaka kima yina ata fioti ve. Ba ke tuba kima mosi ve samu na *yayi*, kima mosi ve samu na *yina*. Ata mosi ve ya bima yayi ba me longa. Mabanza ya longi ya beto kele mingi kulutila yina. Beto ke tuba ve mambu ya mutindu yina.” Yinki ya kele? Beno ke kuzwa ntomo ya yinza yina beno ke na kuminaka. Kieleka!

¹³⁸ Kasi kento yina ke banzaka ke baka ve kima ya mutindu yina. Yandi zaba ti yandi fwana vwanda ya santu. Mpe kima mosi kaka yina beno lenda benda na nzila ya Ndinga ya Nzambi kele Mpeve, Ngolo yina ke pesaka dyaka luzingu samu na kusala Ndinga Yawu mosi, yina kele na kati ya beno, kuzinga samu na kumonisa Yesu Klisto na nsungi yina beno ke na kuzinga. Alleluia! Mpangi, kana ya kele Kieleka ve, mu zaba ve yina kele Kieleka. Mu me zimbisa mabanza ya munu kana ya kele Kieleka ve.

¹³⁹ Ya kele Ndinga Yawu mosi na kati ya ntima ya beno, yina ba soolaka na mantwala kuna, yina ke benda. Mpe ya ke kuluka yinza yina; ya ke zola yawu ve. Kasi ntangu ya ke kuma awa na kati ya Ndinga, ya ke banda na kubenda. Mpe ntangu ya ke benda na nzila ya Ndinga, ya lenda vwanda kima yankaka ve kasi Mpeve-Santu samu na kukindisaka dyaka Ndinga yina.

¹⁴⁰ Na yina Kiyungulu ya muntu yina ke banzaka, Kiyungulu ya musambidi kele Ndinga, mpe ya ke sepelisa ntomo yina ya santu yina kele na kati ya ntima ya yandi; kiyungulu ya muntu yina ke banzaka, ntomo ya muntu ya santu. Oh, la la, yina beto ke na kukota!

¹⁴¹ Na kisika ya kusadilaka Kiyungulu ya Nzambi samu na moyo ya yandi, yandi ke bika Satana kuvuna yandi na nzila ya denomination mosi to credo mosi, kaka kieleka mutindu bakompani ya tabaka ke na kuvuna beno bantu yina ke kunwaka tabaka. Beno ke kuzwa kaka bamambeke mingi, mpe kaka yina.

Oh, beno bika munu sukisa na mwa minuti fioti, na kutubaka mutindu yayi.

¹⁴² Mpofu ya Laodicée! Wapi mutindu mpofu beto lenda kuzwa! Mpofu Laodicée, lutwadusu ya mpofu ya nsungi yayi, na yisi ya kukitalisa ya luvunu, na yisi ya ba-credo ya luvunu, na yisi ya ba-dogme yina kele ya luvunu, na yisi ya denomination yina kele ya luvunu, na yisi ya babuku ya credo yina kele luvunu. Oh, mpofu Laodicée, na kutwadisaka mpofu, beno nyonso ke na kwenda na dibulu!

¹⁴³ Beno soba kiyungulu ya beno na nkokila yayi, mulongi. Beno kumina ve na systeme ya beno ya denomination, ya ba-dogme mpe ba-credo, yina Yesu tubaka, “Muntu nyonso yina ke bwela ndinga mosi na Yawu, to ke katula Ndinga mosi na Yawu.” Ntangu beno ke tuba na dibuundu ya beno ti ya kele kieleka samu na bakento yayi na kusala *yayi*, mpe babakala yayi na kusala *yayi*, mpe bima nyonso yayi, *yayi* mpe *yankaka*; ntangu nyonso yina bawu ke vwanda kieleka na *yayi* mpe ke sala *yina*, mpe ke zitisa ba-credo yayi mpe bima yayi, beno ke na nsoni ya beno mosi ve?

“Ba-Pharisien ya Bampofu,” Yesu tubaka.

¹⁴⁴ Mpe mutindu Yesu bokaka, “Ba-Pharisien ya bampofu,” Mpeve-Santu na kati ya ntima ya munu mosi na nkokila yayi ke boka, “Bampofu Laodicée! Bambala yikwa Nzambi ke pesa beno reveil! Kasi ntangu yayi ntangu ya beno me kwiza; ntangu me luta mingi ntangu yayi. Wapi mutindu beno ke seka mpe ke vweza bantu yina Nzambi fidisaka na beno! Kasi ntangu yayi ntangu ya beno me kwisa. Oh, Etats-Unis, Etats-Unis, mutindu Nzambi zolaka bumba nge mutindu nsusu ya kento ke bumbaka bana ya yandi, kasi nge zolaka ve.” Ntangu yayi Ndinga yayi ke katuka na simu tii na simu, katuka na nord tii na sud, mpe esete na wesete. Wapi mutindu Nzambi zolaka kufika beno, kasi beno zolaka ve! Ntangu yayi ntangu ya beno me kwisa.

¹⁴⁵ Bayinsi ke na kupanzana. Yinza ke na kumwangana. Kinkuku ya bakilometele mafunda zole na bankama yiya, ya bakilometele bankama yiya makumi nana na bankama sambanu na makumi yiya na nene, ke dinda na mudindu, bankama . . . to mu banza bakilometele makumi sambanu na tanu na yisi ya foti yango ya nene kuna, mosi ya bilumbu yayi, mpe bitembo ke panzana na kizunga ya Kentucky. Mpe ntangu ya ke salama, ya ke ningisa yinza na ngolo mingi ti bima nionso ke ningana.

¹⁴⁶ Oh, bumba munu na Ditadi ya bansungi! Nzambi, bika munu, bika munu. Pema na zulu ya munu, Mfumu. Mpeve ya Nzambi ya moyo, pema na zulu ya munu. Bika mu baka Kiyungulu ya Nzambi mpe mu zinga na yisi ya Yawu, Mfumu. Bika mu pema mupepe ya madidi ya Mpeve-Santu na bapoumon ya munu, na moyo ya munu konsu kilumbu, ti mu ke sumuka ve na zulu ya Nge, O Mfumu. Pema na zulu ya munu, Mpeve-Santu, pema na zulu ya munu! Mu . . .

¹⁴⁷ Bika mu kuna Ndinga ya Nzambi na kati ya ntima ya munu, mpe lukanu kuna ti mu ke baluka ve na diboko ya kibakala to na diboko ya kikento, ntama na Yawu, kasi mu ke zinga ya kukwikama na Yawu bilumbu nyonso ya luzingu ya munu. O Tata Nzambi, na yina kulumuka na zulu ya munu Mpeve-Santu ya Luzingu, samu na kukindisa Bandinga yina na munu, ti mu lendaka talisa Yesu Klisto na ntwala ya bayina kele na ntwala

ya munu, samu na kuingila yawu kusalama. Yina kele kisambu ya munu.

¹⁴⁸ Oh, la la! Beno tala mutindu bawu ke salaka bubu yayi na mabuundu yina. Na kubendaka bantu yayi na conseil oecuménique, na nzila ya biyungulu yayi ya denomination. Samu na yinki? Samu na yinki? Samu ti ya ke pesaka bawu nsatu ya ntima ya bawu, organisation. Ba kele na ntomo ya organisation. Ba ke sala yawu.

¹⁴⁹ Ntangu nyonso Nzambi fidisaka bawu réveil, mpe, bawu, yinki bawu salaka? Bawu bongisaka yawu. Ya kele kieleka? Na yawu bawu kuzwaka mutindu ya kiyungulu ya bawu ya mutindu yina, samu ti bawu kuzwaka ntomo ya nene. Mpe ntangu yayi Nzambi ke pesa bawu nsatu ya ntomo ya bawu. Yandi ke pesa bawu. . . Bawu ke na kubendaka bawu mbala mosi na kimvuka ya oecuménique, mpe kuna bawu ke kuzwa ntomo ya organisation ya bawu kuna. Bawu kuzwaka yawu kukwiza.

¹⁵⁰ Oh, dibuundu ya Laodicée, kuvunama ve na nsungi yayi, na nzila ya mabanza ya bawu. Oh, Pentecote, beno bayina kwendaka na Laodicée, beno yina kele ndambu ya Laodicée, dibuundu ya kufwa; na nzila ya ba-Methodiste, ba-Baptiste, mpe ba-Presbytérien, kaka mutindu ya kinkulu. Kasi beno ba-Pentecotiste yina zolaka vwanda kaka na mwa ntangu fyoti kutuba “amen”; yina lendaka bula mingi ya miziki na zulu ya estrade, mpe ke bika bakento na bansuki ya kuzenga kubina bisika nionso kuna, mpe ke kwikilaka kaka na kubeluka ya Kinzambi; bambala yikwa Nzambi zolaka baka beno, kasi beno bakaka kiyungulu yankaka yina, kiyungulu ya denomination. Bambala yikwa Nzambi zolaka baka beno!

¹⁵¹ Wapi mutindu ya luvunu ya vwandaka! Matthieu 24:24, Yesu tubaka ti . . . “Ya ke vuna bantu ya kieleka ya Kusolama kana ya lendaka salama.” Wapi mutindu beno me kuma pene-pene, kaka mutindu Eve, beno bika kaka bima mosi to zole yina beno ke kuzwa ve, samu ti beno kele ya kubongisa mpe lenda ve kuzwa Yawu. Yawu yina ya ke lomba. Beno ke sala mbote na kubaka nionso, “Samu muntu yina ke sumuka na musiku mosi, yandi kele ya kubwa na musiku nionso.” Oh!

¹⁵² Pentecote, Pentecote, lutisa mabanza ya nge na nzila ya Kiyungulu ya Nzambi, ve na nzila ya bandosi ya beno ya denomination, mpe beno ke basika na ntomo ya muntu ya santu, mbotika ya kieleka ya Mpeve-Santu.

¹⁵³ Beno lenda banza bakala kubika kento ya yandi kuzenga nsuki ya yandi, kulwata bakupe, to kulwata ba-pantalón, mpe kutuba ti yandi ke na kulutaka na Kiyungulu ya muntu yina ke banzaka? Beno lenda banza muntu kusala kima mutindu yina?

¹⁵⁴ Beno lenda banza na mulongi yina kele ya kutelama na chaire, samu ti ba me futa yandi mbote na nzila ya dibuundu yina ke bula yandi na mukongo, ke bokila yandi, “Dokotolo,

Mpangi, Révérend,” mpe ke nata yandi na bafeti ya mutindu nionso kisika bakento mpe babakala ke sukulaka kisika mosi, mpe bima nionso yankaka, na bakumu; beno lenda banza ti muntu yina ke tubaka ti yandi ke luta na Kiyungulu ya muntu yina ke banzaka?

¹⁵⁵ Mpe bakento yankaka yina na estrade, na ba-robe ya bawu na zulu ya mabolongo ya bawu, mpe ya kukangama mingi mpe ya ke lakisa mutindu bawu kele, mouvement nionso ba ke sala, mpe bilele ya bawu ya kati ke talisa na kati ya ba-robe ya bawu; ya kele kaka yimbi mutindu kulwata bakupe, ba-bikini, to kima yankaka. Beno ba-Pentecotiste, mpofo, milongi ya Laodicée, bantangu yikwa Nzambi ke kanga ntima na beno, mu zaba ve. Beno vwanda. . . Nzambi tala kyadi na meso ya beno—ya beno ya kufwa meso. Yandi kele na meso na nkokila yayi, samu na kuzibula meso ya beno, ti beno lenda mona.

¹⁵⁶ Mutindu mu tubaka na suka yayi, beto kele na nsungi ya kumona, na zulu. Ya kele dyaka ve na balenda na zulu ya yawu, ti beno lenda kwenda na ngaanda, na kuzaba. Beno, na mbombo ya beno, beno lenda kuwa nsunga; na bikoba ya beno, beno lenda tuba; na maboko ya beno, beno lenda kuwa mpe kusimba; mpe makulu ya beno, mpe nyonso yina; kasi beno lenda ve kukwenda ntama mingi kulutila meso ya beno.

¹⁵⁷ Malachie 4 me kwiza; kumona! “Mpe ya ke vwanda na Nsemo na kutala ntangu ya nkokila.” Oh, beno tambula na kati ya Nsemo!

Beto ke tambula na Nsemo, Nsemo ya kitoko
mingi,
Ya ke kwizaka kisika ke lezima kinoko ya
kyadi;
Lezima pene-pene ya munu kilumbu mpe
mpimpa,
Yesu, Ndinga, Nsemo ya yinza.

¹⁵⁸ Yinga, tata. Kuluta na nzila ya Yawu, oh, mpangi, mpe beno ke basika na ntomo ya muntu ya santu, na Mpeve-Santu.

¹⁵⁹ Oh, kento, beno lutisa kaka mabanza ya beno ya bilumbu yayi ya mvwatulu. Beno luta mabanza ya beno ya bilumbu yayi, ntete beno basika na bala-bala na ntwala ya bakala; beno bantwenia ya bakento, beno biboba ya bakento, ntete beno basika na bala-bala na bilele ya beno ya kukangama mingi, ya kukangama na manima mpe na ntwala. Mu ke sawula ve. Mu kele mpangi ya beno ya bakala. Mu me telama na kati-kati ya bantu ya kufwa mpe me bakula yina mu ke tuba. Na ntwala beno basika, mpe beno zaba ti nzutu ya beno kele ntumunu ya santu, to ya busantu yina Nzambi me pesa beno; ntete beno kota na bala-bala, ya kulwata mutindu yina, beno luta mabanza ya beno na nzila ya Kiyungulu ya kento yina ke banzaka. Mpe beno bika yawu bambuka moyo, ti, “Muntu nyonso yina ke tala beno

samu na kulula beno, nge me sala yimeni pité na yandi.” Beno bambuka moyo na yawu, mpangi ya kento.

¹⁶⁰ Mpe, mpangi-bakala, na ntwala nge balula yintu ya nge samu na kutala yandi, na zulu ya lembami yina ya zole, beno luta mabanza ya beno na nzila ya Kiyungulu ya muntu yina ke banzaka. Beno ke basika na ntomo ya muntu ya santu, beno me mona, ya kusala yina kele kieleka.

¹⁶¹ Beno tala, kana beno lutisa mabanza ya beno na nzila ya Kiyungulu ya kento yina ke banzaka, beno ke basika na mvwatulu ya kento ya santu. Ya kele kieleka. Beno ke basika, mpangi, na kutala ya bakala ya santu. Ntangu yayi, ya kele kaka kima mosi.

Nyonso yina beno ke sala, beno luta yawu na nzila ya Kiyungulu ya Ndinga ya Nzambi, beno mona kana ya kele kieleka to luvunu.

¹⁶² Beno ke basika na mvwatulu ya kento ya santu, na nsuki ya yinda, na buzitu; mpeve ya swi, ya kulemvuka; ve ntangu nionso na kuswana, na kunwana mpe kusala mambu. “Mpeve ya lembami, ya swi, yina kele kimvwama ya nene ya Nzambi.” Biblia me tuba mutindu yina.

Ntangu yayi mu zola kuyufula beno kima mosi, kuna na bayinsi. Beto ke sukisa na mwa minuti fioti.

¹⁶³ Ntangu yayi beto nionso, na nkokila yayi, beto fyongonina bansatu ya beto, mpe na yina beno lenda tala wapi mutindu ya kiyungulu beno me kuzwa. Beto tala, mosi na mosi ya beto, awa mpe bisika nyonso na yinsi. Beno fyongonina bansatu ya beno, yina beno zola kieleka na luzingu. Beno fyongonina samu na yina beno ke na kunwanaka. Beno fyongonina samu na yinki beno kele awa. Beno tala mbote na dibuundu yina beno ke kwendaka na yinzo-Nzambi. Yinki ke sala ti beno. . . Ya kele mbote na kukwenda na yinzo-Nzambi, kasi kukwenda kaka na yinzo-Nzambi ve; yina ke vulusa beno ve. Beno me mona? Beno tala kaka minuti fyoti, beno tuba, “Lukanu ya munu kele. . . Wapi mutindu—wapi mutindu ya kiyungulu mu ke baka nzila, na mutindu nyonso?”

Mpe kana beno zola ve kulanda Ndinga ya Nzambi, mpe moyo ya beno ke sala yawu ve, na yina ya kele na kima mosi ke tambula mbote ve; samu ti ya ke lakisa ntomo ya beno, ti luzingu. . . wapi mutindu ya luzingu kele na kati ya beno. Kana ya kele ya santu, yina ke pesa lukumu, ya buzitu, ya ke basika mutindu yina. Kana ya kele ve, beno kele na ntomo yankaka na kati ya beno beno ke na kubenda. Ya kele kaka kieleka.

Mpe kana ntomo kele Ndinga ya Nzambi mpe luzolo ya Nzambi, na yina beno zaba yina kele na kati ya beno, yina ke benda ntomo. Ya ke talisa ti beno kele kitini ya Ndinga yina. Ndinga yina kele na kati ya beno, na kubendaka Ndinga.

¹⁶⁴ Yinki Yawu ke na kubendaka? Yawu ke na kubendaka na nzila ya Ndinga, samu beno kele kitini ya Nzutu ya Klisto ya nsungi yayi. Mpe kana Ndinga yina kele na kati ya beno, Yawu lenda sala kaka na nzila ya Ndinga, Mpeve yina ke kindisaka Ndinga yina kele na kati ya beno. Kaka Ndinga ke zinga ve. Ya kele samu na yina, “Bayina nyonso Tata pesaka Munu ke kwiza na Munu; mpe kana ba zangulaka munu, Mu ke benda bantu nyonso na Munu.” Beno me mona? Beno me mona, “Tata,” kitini ya Nzutu ya Klisto yina kele na yinza, yina ba soolaka ntete, tulaka na kati ya ntima.

¹⁶⁵ Muntu nyonso yina kele Muklisto ya kieleka, yina me butuka mbala zole bubu yayi, zaba, kubanda yandi vwandaka mwana ya fioti, to mwana-kento mosi ya ntwenya, to, ti kima mosi vwandaka na kati ya beno kele na nzala ya Nzambi. Mpe beno mekaka na kuvukana na mabuundu mpe nyonso yankaka yina; ya ke simba ve. Yinki ya vwandaka? Ya vwandaka Ndinga yina. Beno vwandaka sosa Kiyungulu yina. Mpe kilumbu mosi Yawu me lezima na ntuala ya beno; beno me mona Yesu Klisto mutindu mosi mazono, bubu yayi, mpe kukonda nsuka. Yina ke sepelisa ntomo. Beno me mona?

Samu, luzingu vwandaka na kati ya beno, ke benda. Beno me mona, luzingu na kati ya beno ke na kubenda. Ya kele—ya kele kutuba yina beno ke na yawu nsatu awa. Beno ke na kubendaka. Beno lenda ve kubenda na nzila ya *yayi*, mpe *yina*, mpe *yankaka*. Beno fwana kuzwa Kiyungulu yina ya kieleka, samu ti beno kele muntu yina ke banzaka. Beno me mona?

¹⁶⁶ Kana beno kele muntu yina ke banzaka, beno kele ya kusoola ntete, to ya kulutisa na kiyungulu ntete. . . katuka ntete mbandukulu ya yinza.

¹⁶⁷ Mpe kana longi ya denomination kuwa yayi, Mu banza ti yandi ke baka Kiyungulu ya muntu yina ke banzaka, kana yandi kele longi ya denomination. Na yina yandi ke losa na yisi paké yina ya denomination yina kele kieleka ya kufwa, samu ti ya kele ndinga ya muntu; mpe kundima Ndinga ya Nzambi yina lenda kubwa ata fioti ve to kuluta ve, mpe Yawu ke kumisa kulunga ntomo ya muntu ya santu. Mpe, mutindu Jacob, ke pesa munkayulu na yinza ya muvimba mpe bansaka ya konso denomination to kuzabana, ti ya kele na yinza, kisika beno lenda vwanda évêque, cardinal, kana beno lenda vwanda surveillant general, to pasteur ya dibuundu mosi ya nene. Beno ke pesa munkayulu na nyonso yina kele. Ya kele ve mutindu Esaü, na kukuma kitini ya yinza; kasi mutindu Jacob, beno ke pesa nyonso yina beno fwana kuzwa bukuluntu, Kiyungulu ya muntu yina ke banzaka; samu ti Yawu ke pesa beno ntomo ya muntu ya santu. Mpe Yawu ke sepelisa beno. Mpe ya ke vwanda mbote, mpe ke santisa na ntomo ya Seko ya bumbote ya Nzambi.

¹⁶⁸ Beno bambuka moyo, Satana kotisaka dibulu ya ntete na

kati ya dibanza ya Eve, to yandi banzaka, samu na kubika ntomo ya ndwenga ya yandi mpe na nzila ya luzabu.

¹⁶⁹ Ntangu yayi beno banza na yayi. Mu ke sukisa. Satana bulaka dibulu ya ntete, samu ti nyonso yandi zolaka sala vwandaka Ndinga. Yina vwandaka Mpeve na nzila ya Ndinga ya Nzambi, na yina yandi tubaka, “Ntangu nyonso yina beno ke zonza na nzila ya Kiyungulu yayi, beno ke kufwa ata mbala mosi ve; kasi beno ke kuzwa pema ya yayi *awa*, beno ke kufwa.” Beno me mona?

¹⁷⁰ Mpe Satana tubaka, “Kasi nge zaba kima mosi ve *awa*. Kasi beno baka mwa ntomo ya yayi *awa*, mpe kuna beno ke zaba; beno ke vwanda mutindu Nzambi. Beno me mona, Yandi zaba mbote mpe yimbi; beno ve. Mpe kana beno zola kaka kubaka mwa ntomo ya *yayi*.” Mpe yandi bikaka yandi kukota na dibulu mosi na kati ya yawu, yandi salaka mwa dibulu mosi ya fioti.

¹⁷¹ Ntangu yayi beno me mona samu na yinki mu ke tuba. . . Beno ke tuba, “Samu na yinki beno ke longaka ve bakento, mpe nyonso yina, wapi mutindu kuzwa makabu mpe bima ya mutindu yina?”

¹⁷² Mu tubaka, “Wapi mutindu nge lenda longa bawu algèbre kana bawu lenda ve kulonguka ABC ya bawu?”

Ya lombaka kaka mwa dibulu mosi ya fioti. Yandi bakaka ndwenga ya yinza, mpe, ntangu ya salaka mutindu yina, ya nataka lufwa na dibuta ya muvimba, yandi zolaka kuwa ntomo ya ndwenga.

¹⁷³ Ntangu yayi beno tala kiyungulu, mpe ya kieleka ya ke zonza ntomo ya yandi. Ntomo ya yandi vwandaka samu na yinza; ya kele yina yandi kele na yawu. Ya kele yina ya kele bubu yayi. Bawu ke zolaka yinza mpe bima ya yinza, na mutindu ya kinzambi, kasi ke manga Ngolo ya yawu. Beno me mona, Satana ke bika bawu kuzonza na bandinga; yandi ke bika bawu kuboka; yandi ke bika bawu kuzwa balukutakanu ya kubeluka ya Kinzambi; yandi ke bika bawu kusala mutindu nyonso ya bima yayi.

¹⁷⁴ Yandi tubaka, “Mingi ke kwiza na Munu na kilumbu yina, mpe, ‘Mfumu, mu basisaka ve bampeve ya yimbi, mu salaka ve bima mingi, mu salaka *yayi*?’” Yandi ke tuba, “Mu zabaka nge ve, nge kisadi ya disumu ya nkú.” Ntangu ba tulaka Ndinga na ntuala ya beno mpe beno ke kunwa kaka kiyungulu yina ya ntama ya yinza, beno me mona, ke lakisa ntomo yina vwandaka na kati ya ntima.

¹⁷⁵ Bayembe lenda kudya ve kibulu ya kufwa ya kubola. Bawu lenda kudya yawu ve. Bawu kele na ata ndudi ve. Ngoyi-ngoyi lenda kudya nkuna mutindu yembe mpe lenda kudya kibulu ya kufwa mutindu ngoyi-ngoyi, beno me mona, samu ti yandi kele muntu ya luvunu. Kasi yembe me tungama ve mutindu ndeke nionso yankaka, mpe yawu yina Nzambi me kukitalisa Yandi

mosi mutindu Yembe ke kulumuka na Zulu. Beno me mona? Ya lenda ve—ya lenda ve kutelama nsunga ya nsunga ya mvumbi ya kibulu. Ya kele ve koko-mbele; ya kele samu na yina, ya kele ve na kima mosi ya ndudi. Ya lenda ve kumina yawu. Ya ke kufwa yawu, kana ya kudya yawu.

Mpe yembe ata mbala mosi ve fwana yobila. Nzutu ya yembe ke basisaka mafuta na kati, yina ke sukula yawu. Ya kele luzingu yina kele na kati ya yembe; ya ke kuma mingi na kati ya yawu mafuta yina ke bumbaka mapapu ya bunkete. Mpe mutindu mosi kele Muklisto; ya kele na Luzingu na kati ya bawu yina ke bumbaka bawu ya kutsyema. Ya me lutaka na kiyungulu.

¹⁷⁶ Oh, beno tala! Ntangu yayi beno tala yandi. . . na kiyungulu, mpe kieleka beno lenda mona ntomo ya yawu, ya yina bawu ke na kusala bubu yayi.

¹⁷⁷ Beno tala dibuundu yayi ya bilumbu yayi. Beno tala kiyungulu ya bawu. Beno lenda mona yina ba ke zolaka. Beno tala yina ba ke na yawu. Zola, yinki bawu ke zolaka? Mademoiselle Laodicée yina ke na kukwenda na Lusambusu ya Nzambi. Ya kieleka. Zola, dibuundu zola bubu yayi kele samu na Laodicée, organisation ya nene, systeme ya nene, kima ya kulutila nene, ya kuzabana mingi, bantu yina me lwata bilele ya kitoko mingi, yina me fuluka na ndwenga, ya kufuluka na diabulu, na yisi ya luvunu ya dibuundu ya Klisto. Ya kele kaka na mpova mosi fwana vwanda na kati kuna, “mbeni ya -Klisto.” Samu ti, nyonso yina Klisto longaka, bawu ke teleminaka na kutala nyonso; ya kieleka, ba ke baka mingi samu ti ba bokila bawu mutindu yina.

¹⁷⁸ Ntangu yayi kana beno kele bantu yina ke banzaka na nkokila yayi, awa mpe kuna na yisi kisika Nsangu ke kwenda, nsatu ya beno ke vwanda ntomo ya Biblia, ntomo ya denomination ve, samu ti ba ke sambisa beno na nzila ya Biblia ya kieleka, Ndinga yina mu ke lombana beno na kiyungulu ya moyo ya beno tii na nsuka. Mpe kumanga Ndinga mosi ya Yawu, mpe kubika ve moyo ya beno kuluta na nzila ya Ndinga mosi yina, ba ke manga beno. “Samu ti muntu ke zinga ve, ke pema, na dimpa kaka, kasi na konso Ndinga yina ke basika na yinwa ya Nzambi.”

¹⁷⁹ Ba ke nata yawu na kati ya beno, bayina ba soolaka ntete. Mpe ntangu Mfumu ke pema na zulu ya beno, Mpeve ya Yandi ke kindisa Ndinga yina na kieleka, mpe beno ke mona ti Yesu Klisto kele mutindu mosi mazono, bubu yayi, mpe kukonda nsuka. Oh, la la!

¹⁸⁰ Beno bika pake ya nsambulu, ya denomination ya yinza. Bika yawu lala mutindu pake yina ya tabaka na kati ya mfinda. Bika yawu kupola mpe kubwa ngambu. Ya kele—ya kele kiyungulu ya yimbi. Mpe beno baka Ndinga, yina kele Klisto, yina ke pesaka, mpe ke simba, mpe ba-konseye ya Luzingu ya Kukonda nsuka,

samu na muntu nionso yina ke baka Yawu, Luzingu ya Kukonda nsuka.

¹⁸¹ Ndinga, kana ba soolaka beno na ntwala, beno ke mona Yawu. Ya kele ve na mutindu ya kubumba Yawu na beno. Beno ke tala kuna mpe ke tuba, “Mbote, Ya kele kaka pwelele mingi na ntwala ya kizizi ya munu! Mu ke tala Yawu; Yawu yayi. Mu ke na kutalaka kaka na Yawu. Mu ke mona Yawu. Yawu yayi, Ndinga; konso Ndinga, kaka Ndinga na nzila ya Ndinga, yina ke na kuzinga.” Na yina ya kele na ntomo ya Luzingu ya Kukonda nsuka yina beno zola.

Mpe ntangu beno ke pema na nzila ya Yawu, yinki lenda kwiza na nzila ya Yawu, Kiyungulu ya Nzambi? Kima ve kasi Mpeve; yinza ve, ata fyoti ve; kukondwa lukwikilu, ata fyoti ve. Ya kele Kiyungulu ya Nzambi. Mpe ntangu beno ke pema na nzila ya Yawu, kima mosi ve lenda luta na Yawu kasi Mpeve-Santu.

¹⁸² Ntangu yayi beno kele na nzikisa ya Mpeve-Santu, beno me mona, bakala to ntomo ya kento. Bawu zola kuzinga. Bawu kele na Luzingu ya Kukonda nsuka. Mpe samu ti Ndinga yayi me kindisama na bawu, bawu ke zinga; Kiyungulu ya muntu yina ke banzaka, mpe ntomo ya muntu ya santu.

¹⁸³ Beno baka yinza ve, mutindu mosi na bakompani yina ya tabaka, na yisi ya luvunu, kasi beno baka Kiyungulu ya muntu yina ke banzaka. Beno lutisa na kiyungulu pema yina beno ke pema, madia yina beno ke kudia, bima nionso yina beno kele; kupemisa yawu na nzila ya Ndinga ya Nzambi, mpe beno ke kuzwa ntomo ya muntu ya longo. Samu ti, Yawu ke basisa yawu, samu ti Yandi kele mutindu mosi mazono, bubu yayi, mpe kukonda nsuka.

¹⁸⁴ Mpe mu zaba, kana beto kele to kana beto kele ve . . . Mu ke kwikila ti beto kele. Kasi, kana beto kele ve, ya kele na muntu na yinza bubu yayi yina kele kitini ya Nzutu ya Klisto; mpe Yawu ke zinga kaka na nzila ya Ndinga ya Nzambi, konso Ndinga yina me basika na yinwa ya Nzambi samu na nsungi yayi beto ke na kuzinga ntangu yayi.

¹⁸⁵ Mpe mu lenda mona ve kisika denomination . . . Bandinga yina pwelele na kati ya Biblia, me tuba ti ya ke salama, mpe bima yina ke vwanda, mpe awa beto ke na kuzinga kaka na kati ya yawu ntangu yayi. Mu lenda mona ve kisika ya lendaka vwanda kima yankaka kasi yayi.

¹⁸⁶ Dibundu, mu me bakula ti mu fwana telama na beno na Lufundusu kilumbu mosi. Ntama na munu na kutuba na beno kima ya yimbi, samu na kuzabana mingi. Mu zola yawu ve. Kana mu vwandaka na nsatu ya munu, mu zolaka, kaka nsatu ya munu ya kimuntu, mu zolaka baka munduki ya munu mpe kukwenda na mfinda mpe kutunga munu yinzo ya bayinti, mpe mutambu, luzingu ya munu nyonso yankaka. Mu me lemba, ya kulemba,

mpe me lemba, mpe me lemba, kasi mu lenda ve kubika. Ya kele na kima na kati ya munu, yina ke sepela. Kyadi na munu kana mu tuba Kieleka ve mpe Kieleka nyonso. Mawa na munu kana mu telama awa ve tii pema ya nsuka ya nzutu me bika munu. Mu fwana telama, ata nyonso yina muntu yankaka ke tuba. Mu kele na kizitu na ntwala ya Nzambi.

¹⁸⁷ Mpe ya kieleka mu ke kwikila ti bima yina beto ke na kulonga kele Kieleka. Ve samu ti ya kele munu yina ke longaka yawu. Ve, mpangi ya munu ya bakala. Ve, tata. Nzambi zaba ntima ya munu. Wapi mutindu mu ke zola kuvwanda na kati ya dibuundu mpe kuwa kulonga ya kupakula. Wapi mutindu pete-pete ya ke vwanda na zulu ya munu, kieleka samu ti mu ke kuzwa Luzingu ya Seko mutindu muntu na chaire. Mu kele kitini ya Yawu mutindu mosi yandi kele. Mu ke kwenda na Zulu yina mosi, mu ke na muswa ya mutindu mosi. Wapi mutindu mpasi ve ya ke vwanda samu na munu na kuvwanda kuna mpe kuzwa ve bamputa yayi nionso, mpe bakubula, mpe nionso yankaka. Wapi mutindu pete-pete ya ke vwanda, samu na kubasika mpimpa nyonso na kulala ve, ngunga mosi na ndambu, to bangunga zole; na kunwanaka mpimpa ya muvimba na bima yina me lutaka. Mutindu pete-pete samu na munu na kusala yawu, kubaka munduki ya munu na suka yina landaka, nkawa ya munu ya kuloba, mpe kukwenda loba to kuzomba! Wapi mutindu mpasi ve ya ke vwanda! Mpangi, ya kele kizitu ya munu na kusala yawu. Bika ti Nzambi kusadisa munu na kukima ata fioti ve kisika ya munu ya kimalu, kasi na kuvwanda ya kukwikama mpe ya kieleka, mpe ke basisa beno Kiyungulu ya muntu yina ke banzaka yina ke pesa beno ntomo ya muntu ya santu.

¹⁸⁸ Kiyungulu ya muntu yina ke banzaka kele bamaza, ya bamaza ya nkabwani. Ya kele kuvedisa ya disumu, yina kele Ndinga ya Nzambi. Mpe muntu yina ke banzaka, muntu yina zaba ti yandi fwana telama na ntwala ya Nzambi, zaba ti yandi fwana pesa mvutu samu na konso Ndinga ya Biblia, Yawu ke sepelisa ntomo yina kele na kati ya ntima ya beno. Bika ti Nzambi kusadisa beto na kuzwa Yawu, na yina beto ke kulumusa bayintu ya beto.

¹⁸⁹ Nzambi ya luzolo, ngunga yankaka to zole me luta. Monteale me baluka ntangu yayi. Nsangu ntangu yayi ke kota na disolo, mpe Yawu kele ya kubaka na bande na Buku. Beto nyonso fwana pesa mvutu ntangu yayi samu na yayi, konso kuningana yina beto me sala, konso ndinga yina beto me tuba, mabanza nionso yina kwendaka na mpeve ya beto, bande ke na kulandila na kusalama. Mpe ya ke bula tii luzingu ke manisa, mpe kuna beto ke pesa mvutu na Kilumbu ya Lufundusu.

¹⁹⁰ O Nzambi, Mvangi ya nene ya mazulu mpe ntoto, Yina beto ke kwikilaka, mu ke sambilaka samu na bantu yayi ya kilumbu yayi. Mu ke sambila samu na munu mosi na bawu, ti Mfumu Yesu, ti Nge ke kangama na Kiyungulu ya Nge. Mpe kana mu

ke tuba kima mosi ya kuvweza, Mfumu, mu . . . na kati ya ntima ya munu mu zaba yawu ve. Mu ke sambila ti kana ya kele yimbi samu na munu na kubaka Ndinga ya Nge mpe kusadila kima ya mutindu yina, Nge lemvokila munu samu na yawu.

¹⁹¹ Kasi, Mfumu, mu banzaka ntangu Nge tubaka na munu kuna na kati ya mfinda, Nge zaba ntangu na suka, ya ke kaka mu lendaka ve kukatula yawu na mabanza ya munu. Mu me ndima yawu mutindu mu me katuka na Nge. Na yawu, Tata Nzambi, mu me zonza yawu yimeni. Mpe mu ke sambila, Nzambi, ti Nge ke bika yawu kuvwanda na mutindu yina mu banzaka ti ya kele, ti muntu yina ke banzaka, bakala yayi kana yandi kele na dibanza mosi ve, yandi ke zaba ti yandi fwana kutelama na Mvwandulu ya Nzambi, mpe yandi ke kota ve na moyo ya yandi kima nyonso yina ke bola to kele ya kuswaswana na Ndinga ya Nzambi.

¹⁹² Mpe, Tata, beto ke bakula ti, mutindu mu me fwanikisa yawu na ba-organisation yayi ya bubu yayi; ve samu na kuvwanda ya kuswaswana, Mfumu. Nge ke fundisa munu, kilumbu mosi, na ntima ya munu. Mpe mu ke sambila, Nzambi, ti Nge ke mona ti ya vwanaka ve ya kuswaswana, kasi ya zolaka vwanda ya kusungama, samu na kumeka na kuvwanda ya kusungama, na kuzabaka ti mu me kuzwa ntalu ya Menga ya Nge, katuka simu na simu, na ntangu yayi, na diboko ya munu. Mpe mingi ya bawu me kwikila Nsangu.

¹⁹³ Mpe, Nzambi ya Mazulu, ti ya vwanda ve na mosi ya bawu yina ke zimbana. Mu ke tuba bawu, bawu nionso, mpe mu ke kanga bawu na ntwala Kiyungulu yina ke katuka na disumu, Bamaza ya nkabwani, Menga ya Yesu Klisto, Ndinga me kuma nsuni. Pesa yawu, Mfumu. Mpe bika ti Mpeve-Santu kutiamuka na zulu ya konso nsilulu, na kati ya mioyo ya beto. Mpe bika ti beto vwanda bimonikisi ya ke zinga ya Kento ya makwela ya Yesu Klisto, na ntangu ya meso, ya kumona na Nsemo ya nkokila, samu ti beto ke lakisa yawu na Nge na Nkumbu ya Yesu Klisto. Amen.

¹⁹⁴ Beno zola Yandi? [Dibuundu me tuba, “Amen.”—Mu.] Beno ke kwikila Yawu? [“Amen.”] Munu, kana mu tubaka kima ya yimbi, na kutubaka, “kiyungulu ya muntu yina ke banzaka,” mu lenda tuba dyaka ve. Mu kele na ndongosolo ve. Mu fwana tuba kaka yina ke kwizaka na munu. Mpe ntangu mu monaka yawu ya kutandama kuna, mu banzaka, “Wapi nzila ya luvunu!”

Mpe Kima mosi tubaka, “Kaka mutindu dibuundu.”

¹⁹⁵ Kiyungulu ya muntu yina ke banzaka! Oh, la la! Ya kele na mingi kulutila yina samu na yawu. Muntu yina ke banzaka ke sadila yawu ata fioti ve. Beno me mona? Ya kieleka ve. Mpe ya ke na nsatu ya ntomo ya kunwa makaya, ya kieleka, samu yandi fwana sala yawu samu na kusepelisa ntomo ya yandi. Kasi muntu ya kieleka, yina ke banzaka yina zaba moyo ya yandi ke kwenda na Lusambusu, ke kiyungulu ya yandi ke luta na nzila

ya Ndinga ya Nzambi. “Samu ti nyonso Tata me pesa Munu ke kwiza na Munu.” Mpe yandi ke zinga na konso Ndinga yina me basika na yinwa ya Nzambi, yina kele Bamaza ya nkabwani yina ke kabula beto na disumu. Samu ti, ntangu ya ke luta na nzila ya Ndinga, beto ke mona ti ya kele disumu samu na kukwikila Yawu ve, na yina beto ke kwikila kaka Yawu mpe ke landila. Ya kele nkabwani na disumu. Beno zola Yandi? [Dibuundu me tuba, “Amen.”—Mu.]

Mu zola Yandi, mu zola . . .

Beto telemisa kaka maboko ya beto ntangu yayi na Yandi.

Samu Yandi zolaka munu ntete
Mpe futaka mpulusu ya munu
Na yinti ya Calvaire.

¹⁹⁶ Yinki Yandi tubaka? “Yayi bantu nionso kuzaba ti beno kele bilandi ya Munu, ntangu beno ke zolaka, beno ke zolaka mosi samu na yankaka.” Ntangu yayi beto pesana maboko ya muntu na yina beto ke yimba dyaka yawu, mpe kutuba, “Mu zola nge, mpe, mpangi ya bakala.”

Mu zola Yandi, mu . . . (Yayi kele kubika beno
kuzaba yawu . . .)
. . . Yandi zolaka munu ntete
Mpe futaka mpulusu ya munu
Na yinti ya Calvaire.

¹⁹⁷ Ntangu yayi, beno ke zolaka Kiyungulu ya muntu yina ke banzaka? [Dibuundu me tuba, “Amen.”—Mu.] Ntangu beno ke mata na bala-bala samu na kunika yinza mbasi, mpangi ya bakala, mpangi ya kento, beno me kuzwa Kiyungulu ya muntu yina ke banzaka? Ntangu muntu yina ke bokila beno exalté, beno ke sadila Kiyungulu ya muntu yina ke banzaka? Ntangu muntu yina ke tuba kima ya yimbi na beno, beno ke kuzwa Kiyungulu ya muntu yina ke banzaka? Beno me mona, beno sala mbote samu na yimbi. Beno sambila samu na bayina ke nyokolaka beno, mpe bayina ke talisaka beno mpasi, na yina beno ke na kupema na nzila ya Kiyungulu ya muntu yina ke banzaka.

¹⁹⁸ Samu ti kana beno zola kaka bayina ke zolaka beno, na yina beto ke pesana mbote mosi na yankaka, mutindu zola ya luzolo na Mfumu, ya kele mbote, kasi beno lenda zola mpe zola ya kukondwa mfunu? Ya kele Kiyungulu ya muntu yina ke banzaka. Ya kele Mpeve ya Klisto na kati ya beno, ke zolaka bayina ke zolaka beno ve, na yina beno kele na musendo ya Nzambi. Kasi, ntangu yayi, kana beno sala yawu mutindu ksalu, beno kele kaka ve na muntu yina ke banzaka . . . Beno kele kaka kuna na cycle ya zole. Kasi ya kele na ntima ya beno kieleka beno zola yandi, na yina beno ke na kupema na nzila ya Kiyungulu ya muntu yina ke banzaka. Mpe Yawu ke sepelisa ntomo ya muntu ya santu, ti beno zaba, na ntima ya beno beno ke lemvokila

muntu nyonso, nyonso, ata nyonso yina salamaka. Yandi kele mbote ve?

. . . munu ntete zolaka
Mpe futaka mpulusu ya munu
Na yinti ya Calvaire.

Beto ke tambula na Nsemo, Ya kele Nsemo ya
kitoko mingi,
Ya ke kwizaka kisika ke lezima kinoko ya
kyadi;
Lezima pene-pene ya beto kilumbu mpe
mpimpa,
Yesu, Nsemo ya yinza.

Beto ke tambula na Nsemo yayi, Ya kele Nsemo
mosi ya kitoko mingi;
Mpe Ya ke kwisa kisika yina kyadi ke na
kulezima;
Oh, lezima pene-pene ya beto kilumbu mpe
mpimpa,
Yesu, Nsemo ya yinza.

Beno kwiza, beno nyonso basantu ya Nsemo,
beno tuba,
Yesu, Nsemo ya yinza;
Na yina bangunga ya Mazulu ke wakana,
Yesu, Nsemo ya yinza.

Oh, beto ke tambula na Nsemo, Ya kele Nsemo
mosi ya kitoko mingi;
Ya ke kwizaka kisika ke lezima kinoko ya
kyadi;
Oh, lezima pene-pene ya beto kilumbu mpe
mpimpa,
Yesu, Nsemo ya yinza. (Beno zola yawu?)

Oh, beto ke tambula na Nsemo yayi, Ya kele
Nsemo mosi ya kitoko mingi;
Mpe Yawu ke kwizaka kisika ke lezima kinoko
ya kyadi;
Lezima pene-pene ya beto kilumbu mpe
mpimpa,
Ya kele Yesu, Nsemo ya yinza. (Mu zola kaka
yawu!)

Lukwikilu ya munu ke tala na Nge,
Nge Mwana-dimeme ya Calvaire,
O Mvulusi ya Kinzambi;
Ntangu yayi beno kuwa munu na yina mu ke
sambila,
Baka disumu ya munu nyonso. . .

Kiyungulu ya munu, Mfumu, na nzila ya Ndinga.

O bika ti kubanda bubu yayi
Vwanda nyonso ya Nge!

Beno banza kaka na yawu, yina ba lutisaka na kiyungulu ya Ndinga, “nyonso ya Nge.”

Na ntangu mu ke tambula na kati ya mpimpa
ya luzingu,
Mpe bampasi ke kuma mingi pene-pene ya
munu,
Vwanda Ntwadisi ya munu;
Bika ti mpimpa kusoba na nsemo,
Katula masa ya meso ya munu,
Kubika ve ti mu kwenda
Ntama na Nge.

[Mpangi Branham ke yimba na kati ya yinwa *Lukwikilu Ya Munu Ke Tala Na Nge*—Mu.]

. . . na ntima ya munu ya kukangama,
Zebi ya malu-malu;
Oh, bika ti mpimpa kusoba na nsemo,
Mpe kusuna masa ya meso ya munu,
O bika ti kubanda bubu yayi
Vwanda nyonso ya Nge!

¹⁹⁹ Nzambi ya luzolo, beto zola kuyimba na Nge, samu ti ya kele kuna beto ke lakisa bansatu ya beto, emotion ya beto, dibuundu ya muvimba, mutindu Nge ke pemaka na zulu ya beto Ndinga ya Luzingu. Beto ke vutula matondo mingi, Mfumu. Mpe nkunga yina, yamba beto, Nge zola, Mfumu? Ya kele nsatu ya beto, ya ba lutisaka na kiyungulu na Ndinga ya Nzambi, kutambula konso kilumbu na Nsemo, Nsemo ya Nsangu ya mbote.

Mpe kufulusa nzila ya beto konso kilumbu na
zola,
Na yina beto ke tambula na Yembe ya Mazulu;
Beto kwenda ntangu nionso, na kuyimbaka
mpe na kiese,
Fulusa nzila ya beto konso kilumbu na zola.

²⁰⁰ Pesa yawu, Mfumu. Sakumuna beto kintwadi ntangu yayi. Ti lemvo ya Nge mpe kyadi ya Nge kuvwanda na beto. Belusa bambevo mpe bantu ya mpasi bisika nyonso na yinsi.

²⁰¹ Beto ke tonda Nge samu na Mpangi Coggs na nkokila yayi, ti Nge bika yandi katuka lupitalu, samu na kukwenda na yinzo mbote. Matondo na Nge samu na bima nyonso yina Nge me sala, mpe samu na ngolo ya beto mosi yina beto ke na kutala na zulu ntangu yayi.

²⁰² Beto ke tonda Nge samu na Nsangu ya fyoti ya kuzenga na nkokila yayi, Mfumu. Mu—mu salaka yawu mbote ve, kasi mu ke sambila, Mfumu, ti Nge ke sala yawu kaka na meso ya bantu, ti bawu lendaka mona mpe kuzaba yina ya vwandaka

zola kutuba. Katula nkembo na yawu, Mfumu, mpe bika ti beto kuzwa lubakusu yayi, kana kima yankaka ve, ti beto ke zinga na nzila ya Dimpa ya Ndinga ya Nzambi, ke fika Nzambi kaka samu na bana ya Yandi kaka. Ya kele dibuundu ya kukabuka. Ya kele samu na muntu yankaka ve. Ya kele kaka samu na bayina, basolami ya Nge, mutindu bamaza ya mbwaki ya nkabwani vwandaka samu na dibuundu ya Israel kaka. Na yawu, Tata, beto zaba ti Dimpa kele samu na Dimeme kaka.

“Ya kele ve kukutana ti mu ke baka dimpa ya bana mpe ke losa yawu na bayimbwa,” tubaka Yesu.

Mpe kento, na kuvutuka, tubaka, “Yinga, Mfumu, ya kele kieleka, kasi mu ke zola kubaka bitini ya mampa.”

Mpe beto ke kuwa mutindu yina na nkokila yayi, Mfumu. Beto zola nyonso yina Nge lenda pesa beto, Tata, samu ti beto kele na nsatu mpe mpwila ya mingi ya Nge.

²⁰³ Pesa ti nzala ya beto kusalama mpe bansatu ya beto kuzabana, samu ti, Tata, beto zola kuzwa nsatu ya muntu ya kusungama. Mpe Muntu ya kusungama vwandaka Yesu Klisto, mpe nsatu ya Yandi zolaka sala luzolo ya Tata, yina vwandaka Ndinga. Pesa yawu na beto, Tata. Beto me lomba yawu na Nkumbu ya Yandi. Amen.

Beto telama ntangu yayi na yina beto ke yimba nkunga ya beto ya kubasika ya *Baka Nkumbu Ya Yesu Na Nge*.

²⁰⁴ Kuna na bisika nyonso ntangu yayi, na kisika Nsangu me kwenda na nkokila yayi, bika ti Nzambi kuvwanda na beno ntangu yayi na yina beto ke sambila. Ti mosi na mosi ya beno, kuna, mu banza ti beno me sepela mingi na kuwa mutindu mu me longa Yawu na beno. Mpe mu ke na kivuvu ti Nzambi ke tula Yawu na kati ya bantima ya beno mpe ke pesa beno ntendulu ya kieleka samu na yawu.

²⁰⁵ Mpe beno bantu awa na kati ya kivinga yina kele na bamuswale yayi awa, mu me tentika maboko na zulu ya yawu. Mu ke sambila ti Nzambi belusa mosi na mosi ya beno, ya ke vwanda ve na bambevo na kati-kati ya beto, beno me mona mutindu Nzambi ke pesaka mvutu na kisambu.

²⁰⁶ Ntangu beto ke vukana kintwadi, “Bantu yina ba me bokila na Nkumbu ya Munu ke vukana bawu mosi kintwadi mpe ke sambila, na yina mu ke kuwa na Mazulu.” Yandi silaka na kusala yawu.

²⁰⁷ Na yawu, beto kele ya kukabuka ve. Beto kele kaka Muntu mosi; beto nyonso kele mosi, na kati ya Klisto Yesu. Mpe mosi na mosi kusambila samu na mosi na mosi; beno sambila samu na munu na yina mu ke sambila samu na beno. Mpe Nzambi kusakumuna beno tii beto ke mona beno dyaka.

²⁰⁸ Mpe mu ke na kivuvu ti beno ke vwanda ntangu nyonso. . . beno yina ke zinga awa, ke kwiza na tabernacle mpe ke kwiza

tala awa na pasteur ya beto ya mbote, Mpangi Neville. Yandi ke sala beno mbote, Mpangi Mann mpe bantu ya mbote yina kele na bawu awa na tabernacle.

²⁰⁹ Kana beno kele pene-pene ya Mpangi Junior Jackson to bayankaka na kati ya bawu bisika nyonso na yinsi, New York mpe bisika yankaka kisika bawu kuzwaka balukutakanu ya bawu, bisika nyonso na Arizona mpe na Californie, beno tala mabuundu yango kana beno kele kuna na kati. Beto ke sambila ti nge vutuka diaka mpe bika ti pasteur kusadisa nge na kuzaba mingi samu na Mfumu Yesu.

²¹⁰ Nzambi sakumuna beno ntangu yayi na yina beto ke yimba *Baka Nkumbu Ya Yesu Na Nge*.

. . . Nkumbu ya Yesu na nge,
Mwana ya mawa mpe ya kiadi;
Ya ke pesa nge kyese mpe kikesa, (Yinki beno
ke . . . ? Yandi ke tula beno . . . ? . . .)

. . . nge kwenda.

Nkumbu ya ntalu, (Nkumbu ya Ntalu!) O
Nkumbu ya kitoko! (O Nkumbu ya kitoko!)
Kivuvu ya ntoto mpe kyese ya Mazulu;
Nkumbu ya ntalu, O Nkumbu ya kitoko!
Kivuvu ya ntoto mpe kyese ya Mazulu.

²¹¹ Na kutalaka na zulu ya dibuundu na nkokila yayi, na kumonaka Mpangi Estle Beeler kuna na manima, Mpangi Palmer, mpe mingi, Mpangi J. T., mpe mingi ya milongi yina kele ya kutelama awa, mu lenda ve kubokila bankumbu ya bawu nyonso. Mu ke zola ti beno, beno nionso, awa, mpe beno nionso kukatula dibuundu to beno sala kima mosi. Beno me bakula, mutindu yina ve? Mu zaba ti beno kele na ntima ya Baklisto mpe beno zaba ti beto fwana. . . wapi mutindu beto—wapi mutindu beto kele; beto nyonso kele Muntu mosi, na Klisto Yesu.

²¹² Ntangu yayi beto bambuka moyo na nzila yayi yina ke landa na yina beto ke yimba yawu, na yina Mpangi ya beto Martin awa ke kanga na kisambu. Mpe mu zola. . . Yayi kele Mpangi Earl Martin yina me katuka, mu banza, na Arkansas to—to na Missouri. [Mpangi Earl Martin me tuba, “Missouri.”—Mu.] Missouri, kaka kuna na Arkansas, na ndilulu ya Missouri kuna. Bawu kele na dibuundu mosi kuna.

²¹³ Mpe mu monaka mpangi-bakala yayi yankaka me katuka kuna, mu lenda banza ve na nkumbu ya yandi, Brewer. Yandi vwandaka awa na suka yayi. Mu banza ti yandi kele dyaka awa na nkokila yayi. Yinga, mu ke mona yandi ya kutelama awa, Mpangi Brewer. Mu silaka na kukwiza mpe kusakumuna mabuundu ya bawu, bambala mingi. Mu ke kuma kuna kilumbu, na lusalusu ya Mfumu, mutindu mu lenda.

Ntangu yayi, na yina beto ke yimba nzila yayi yina ke landa ntangu yayi:

Beto ke fukimina Nkumbu ya Yesu,
 Beto fukama na makulu ya Yandi,
 Ntinu ya bantinu na Mazulu beto ke byadisa
 Yandi,
 Ntangu nzyetolo ya beto ke suka.

Beto yimba yawu ntangu yayi.

Beto ke fukimina Nkumbu ya Yesu,
 Beto fukama na makulu ya Yandi,
 Ntinu ya bantinu na Mazulu beto ke byadisa
 Yandi,
 Ntangu nzyetolo ya beto ke suka.

Nkumbu ya ntalu, (Nkumbu ya Ntalu!) O
 Nkumbu ya kitoko! (O Nkumbu ya kitoko!)
 Kivuvu ya ntoto mpe kyese ya Mazulu;
 Nkumbu ya ntalu, O Nkumbu ya kitoko!
 Kivuvu ya ntoto mpe kyese ya Mazulu.

Oh, baka Nkumbu ya Yesu na nge,
 Mutindu Kinwaninu ya ngolo; (Beno kuwa
 ntangu yayi.)

Oh, ntangu bakumekama ke kumaka, (Yinki
 beno fwana sala?)

Niunguta kaka Nkumbu yina ya Santu na
 kisambu.

Nkumbu ya ntalu, O Nkumbu ya kitoko!
 Kivuvu ya ntoto mpe kyese ya Mazulu;
 Nkumbu ya ntalu, O Nkumbu ya kitoko!
 Kivuvu ya ntoto mpe kyese ya Mazulu.

Beto kulumusa bayintu ya beto.

Oh, Nkumbu ya ntalu, O Nkumbu ya kitoko!
 Kivuvu ya ntoto mpe kyese ya Mazulu;
 Nkumbu ya ntalu, (Botikaka na Yawu; beno
 sambila na Yawu) O Nkumbu ya kitoko!
 Kivuvu ya ntoto mpe kyese ya Mazulu.

Mpangi Martin. [Mpangi Martin me sambila—Mu.] 

65-0822E Kiyungulu Ya Muntu Yina Ke Banzaka
Branham Tabernacle
Jeffersonville, Indiana U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org